

四庫全書

集部

欽定四庫全書

別本韓文考異卷二十二

宋 王伯大 重編

祭文

祭田橫墓文

貞元十一年九月愈如東京道出田橫墓下

十一年諸本或作十

九年月下有一日字如東京或作東如京洪氏曰東京洛陽也公以貞元十一年出長安至河陽而後如東都也十九年秋則公為御史是冬即貶陽山安得以九月出橫墓下唐都長安亦不得云東如京也方從闕杭

蜀本作東如京云田橫墓在偃師戶鄉洛陽東三十里
今公自河陽道橫墓下以入洛故云東如京也○今按
洪氏作如東京及考歲月皆是方氏亦以京為洛陽但
據三本必欲作東如京為誤耳今且未須別考它書只
以其所引田橫墓在洛陽東者論之則自墓下而走洛
陽乃是西向安得言東如京乎況唐都長安謂洛陽為
東京則可直謂之京則不可其理又甚明若據元和郡
國志則河陽西南至河南府八十里其大勢亦不得云
東如京也此又三本謬誤
之一證故復表而出之

祭為文而弔之

士下或有
心字

其辭曰事有曠百世而相感者

余不自知其何心非今世之所稀孰為使余獻敬而不
可禁今既博觀乎天下曷有庶幾乎夫子之所為死者

不復生嗟余去此其從誰

死者或作死而生
方作來皆非是

當秦氏之

敗亂得一士而可王何五百人之擾擾而不能脫夫子

於劍鉞抑所寶之非賢亦天命之有常

寶之或作寶者天或作大

昔

闕里之多士孔聖亦云其遑遑

方從闕杭無其字非是

苟余行之

不迷雖顛沛其何傷自古死者非一夫子至今有耿光

非方從闕杭作皆非是

跼陳辭而薦酒寬髣髴而來享

歐陽生哀辭

歐陽詹世居閩越自詹已上皆為閩越官至州佐縣令

者累累有焉閩越地肥衍有山泉禽魚之樂雖有長材

秀民通文書吏事與上國齒者未嘗肯出仕今上初故

宰相常袞為福建諸州觀察使治其地

治上或有往字非是

袞以

文辭進有名於時又作大官臨蒞其民鄉縣小民有能

誦書作文辭者袞親與之為客主之禮

呂及公本如此方從闕杭苑粹

辭進下即屬鄉縣至者袞下又有故宰相字下乃屬有

名至其民又屬親與云云顛倒錯亂全無文理方云三

本如此不當輕改而其蔽如此今定從呂本觀游宴饗

必召與之

宴或作讌與讀為預或作預或疑與如字而之下當有俱字

時未幾皆化

翕然

化方據新傳作仕非是

詹于時獨秀出袞加敬愛諸生皆推

服閩越之人舉進士繇詹始建中貞元間余就食江南

未接人事往往聞詹名閭巷間詹之稱於江南也久

下久

或有

貞元三年余始至京師舉進士聞詹名尤甚

余下

年十九字聞方作則或云當并出則聞二字亦有理

八年春遂與詹文辭同考試

登第始相識自後詹歸閩中余或在京師他處不見詹

久者惟詹歸閩中時為然其他時與詹離率不歷歲移

時則必合合必兩忘其所趨久然後去故余與詹相知

為深詹事父母盡孝道仁於妻子於朋友義以誠氣醇

以方容貌嶷嶷

魚力切岐嶷

然其燕私善謔以和其文章切

深喜往復善自道讀其書知其於慈孝最隆也十五年

冬余以徐州從事朝正於京師詹為國子監四門助教

將率其徒伏闕下舉余為博士會監有獄不果上

或無監字

監或作詹

觀其心有益於余將忘其身之賤而為之也嗚呼

詹今其死矣詹閩越人也父母老矣捨朝夕之養以來

京師其心將以有得於是而歸為父母榮也

以來或作而來有得

或作在得或無於是字雖其父母之心亦皆然詹在側而有複出將以有得乎

雖無離憂其志不樂也詹在京師雖有離憂其志樂也

若詹者所謂以志養志者歟詹雖未得位其名聲流於

人人其德行信於朋友

友方作朋

雖詹與其父母皆可無憾

也詹之事業文章李翱既為之傳故作哀辭以舒余哀

以傳于後以遺其父母而解其悲哀以卒詹志云

之傳或作

之說或作之誌故上或有余字非是悲哀方作哀悲○今按上文已連有兩哀字不應如此重複或當刪去此

哀字○詹志或作其志

求仕與友兮遠違其鄉父母之命兮子奉

以行友則既獲兮祿實不豐以志為養兮何有牛羊事

實既修兮名譽又光父母忻忻兮常若在旁命雖云短

兮其存者長終要必死兮願不永傷朋友親視兮藥物

甚良

親視或作視疾

飲食孔時兮所欲無妨

孔或作既

壽命不齊兮

人道之常在側與遠兮非有不同山川阻深兮魂魄流

行祭祀則及兮勿謂不通哭泣無益兮抑哀自疆

益或作救

推生知死兮以慰孝誠嗚呼哀哉兮是亦難忘

哉下或無兮字

題哀辭後

方本刪此四字或作
題歐陽生哀辭後

愈性不喜書自為此文惟自書兩通其一通遺清河崔

羣羣與余皆歐陽生友也哀生之不得位而死哭之過

時而悲

友上或有之字

其一通今書以遺彭城劉君伉君喜古

文

或無書字方無伉字下君字一作伉

以吾所為合於古詣吾廬而來請

者八九至而其色不怨志益堅

方無至字

凡愈之為此文蓋

哀歐陽生之不顯榮於前又懼其泯滅於後也今劉君

之請未必知歐陽生其志在古文耳

其志上或有之志字

雖然愈

之為古文豈獨取其句讀不類於今者邪

雖然下或有
苟愛吾文必

求其義八字入字下又或有則進
知於歐陽生矣必時觀十一字

思古人而不得見學

古道則欲兼通其辭通其辭者本志乎古道者也

乎或
作於

方從三本無道字以上下文
考之無道字即不成文理矣

古之道不苟譽毀於人

此
下

或有然則吾之所為
文皆有實也十一字

劉君好其辭則其知歐陽生也無

惑焉

獨孤申叔哀辭

萬物之生誰非天邪明昭昏蒙誰使然邪行何為而怒

居何故而憐邪

怒或作怨或作思怒下有邪字居或作為

胡喜厚其所可

薄而恒不足於賢邪將下民之好惡與彼蒼懸邪

或無蒼字

抑蒼茫無端而整寓其間邪

寓下或有於字

死者無知吾為子

慟而已矣如有知也子其自知之矣

或無自字方無之字或無自字而有

之濯濯其英粲粲其光如聞其聲如見其容

此句或作如處其旁

非是方云以容叶光用古韻也

烏虓遠矣何日而忘

烏虓或作嗚呼

祭穆員外文

為崔侍御作晁本篇首題云維年月日故人博陵崔愬謹以清酌之奠祭于亡友穆六端

公之靈方云豈謬員邪舊傳員卒檢校員外郎杜亞留守東郡辟為從事皆與此文合新

傳員終侍御史故

晁本稱端公也

於乎建中之初予居于嵩携扶北奔避盜來攻

奔或作歸

晨

及洛師相遇一時顧我如故眷然顧之

如方作無眷或作睠

子有

令聞我來自山子之俊明我鈍而頑

俊或作峻

道既云異誰

從知我我思其厚不知其可

知其或作知而或作可

於後八年君

從杜侯我時在洛亦應其招留守無事多君子僚罔有

疑忌惟其嬉游草生之春鳥鳴之朝我轡在手君揚其

鑣君居于室我既來即以嘯歌或以偃側

嘯或作詠

誨余

以義復我以誠

復我方作我復○今按下文云無非終德聲則此二句專指穆也當作復我

日以語無非德聲

以或作與

主人信讒有惑其下殺人無罪

誣以成過入救不從反以為禍赫赫有聞王命三司察

我于獄相從係縲曲生何樂直死何悲

曲或作直直或作曲二何或皆

作可非是上懷主人

主方作王非是

內閔其私

閔或作憫方作闕皆非是

進退之

難君處之宜

君或作居非是

既釋于囚我來徐州道之悠悠思

君為憂我如京師君居父喪哭泣而拜言詞不通我歸

自西君反吉服晤言無他往復其昔

其疑當作如

不日而違

重我心惻自後聞君母喪是丁痛毒之懷六年以并孰

云孝子而殞厥靈今我之至入門失聲

失方作哭

酒肉在前

君胡不餐升君之堂不與我言於乎死矣何日來還

祭郴州李使君文

補注筆墨間錄云祭

李郴州文尤雄奇

維年月日將仕郎守江陵府法曹參軍韓愈謹以清酌

庶羞之奠敬祭于故郴州李使君之靈

文苑此篇首又云維元和元年

歲次丙戌二月乙未朔二十四日戊午將仕郎古語有云云使君員外二兄之靈方云考之唐歷皆合

之白頭如新傾蓋若舊顧意氣之何如何日時之足究

何或當貞元之癸未惕皇威而左授未或作酉○今按

年貶山陽伏荒炎之下邑嗟名頹而位什歷貴部而西

邁邇清光於暫覲於或言莫交而情無由既不賈而奚

售莫或作若或作哀窮遐之無徒挈百憂以自副遐或

窮遐或作遐辱問訊之繆綢恒飽飢而愈疲接雄詞於

章句窺逸跡於篆籀直右切孫曰周宣王太苞黃甘而

致貽獲紙筆之雙貿投叉魚之短韻媿韜瑕而舉秀竦

新命於衡陽費薪芻於館候空大庭以見處空音憇水

木之幽茂逞英心於縱博沃煩腸以清醑航北湖之空

明觀鱗介之驚透宴州樓之豁達衆管啾而並奏啾或

是方云選間居賦啾啾而並奏得恩惠於新知脫窮愁於往陋窮方輟

行謀於俄頃見秋月之三穀逮天書之下降猶低迴以

宿留上音秀下音溜念睽離之在期謂此會之難又授縞紵以

託心左氏襄二十九年吳季札過鄭見子產如舊相識與之縞帶子產獻紵衣焉示茲誠之

不謬

授方作援

儻後日之北遷約窮歡於一晝雖掾俸之酸

寒要拔貧而為富何人生之難信捐斯言而莫就始訝

信於暫踈遂承凶於不救

承或作成

見明旌之低昂尚遲疑

於別袖

明方從諸本作銘此從閣本字見檀弓鄭注云神明之旌

憶交酬而迭舞奠

單杯而哭柩美夫君之為政不撓志於讒構

撓或作撓或作撓從

手皆非是

遭脣古之紛羅獨陵晨而孤雛彼憐人之浮言雖

百車其何詬

車方作年○今按後漢書馮衍出妻書云詞語百車韓盖用此作年非是

洞古

往而高觀固邪正之相寇幸竊睹其始終敢不明白而

蔽覆神乎來哉辭以為侑尚饗

祭薛助教文

維元和四年歲次己丑後三月二十一日景寅朝散郎
守國子博士韓愈太學助教侯繼謹以清酌之奠祭于

亡友國子助教薛君之靈

散墓志石本作議繼下或有等字薛君之靈晁本作河東

薛君七官之靈

嗚呼吾徒學而不見施設祿又不足以活身天

於此時奪其友人同官太學日得相因奈何永違祇隔

數晨笑語為別慟哭來門

來或作東

藏棺蔽帷欲見無緣皎

皎眉目在人目前酌以告誡庶幾有神嗚呼哀哉尚饗

祭虞部張員外文

維年月日愈等謹以清酌庶羞之奠敬祭于亡友張十

三員外之靈

文苑作元和十年晁本作維元和十年月日中書舍人王涯考功郎中知制誥韓愈

禮部侍郎崔羣京兆尹許季同考功員外郎庾承宣河中節度判官殿中侍御史邢冊等方云六人皆張季友

之同年也

嗚呼往在貞元俱從賓薦司我明試時維邦彥各

以文售幸皆少年羣遊旅宿其歡甚焉出言無尤有獲同喜他年諸人莫有能比倏忽逮今二十餘歲存皆衰

白半亦辭世外纏公事內迫家私中宵興歎無復昔時

如何今者又失夫子

今者或作於今

懿德柔聲永絕心耳廬親

之墓終喪乃歸陽瘡避職妻子不知分司憲臺風紀由

振遂遷司虞以播華問不能老壽孰究其因託嗣於宗

天維不仁

託嗣或作嗣託

酒食備設靈其降止論德叙情以視

諸誅尚饗

祭河南張員外文

樊曰張署

維年月日彰義軍行軍司馬守太子右庶子兼御史中

丞韓愈謹遣某乙以庶羞清酌之奠祭于亡友故河南

縣令張十二負外之靈

或無守太子右庶子字

貞元十九君為御

史余以無能同詔並跼

跼或作峙方云選清岳關中詩列營慕跼注跼立也亦作峙

君德渾剛標高揭已有不吾如唾猶泥滓余慙而狂年

未三紀乘氣加人無挾自恃彼婉孌者實憚吾曹側肩

帖耳有舌如刀我落陽山以尹鼯猱君飄臨武

臨武縣在郴州

山林之牢歲弊寒兇雪虐風饕顛於馬下我泗君咷

音桃

號咷雪虐方從杭本作嘯虎云以顛於馬下言之由虎聲惟也風饕謂虎貪風而嘯不已虎近於虐訛自此也

餐或作號○今按杭本全然不成文理以上夜息南山語歲弊寒先言之八字相偶當為雪虐明甚

同卧一席守隸防夫觥頂交距音隻足下頂或作項非是洞庭漫汗

粘天無壁風濤相飈呼回切中作霹靂追程盲進颿船箭

激颿或作帆或作飄南上湘水屈氏所沈上或作之二妃行迷淚蹤

染林山哀浦思鳥獸叫音余唱君和百篇在吟君止于

縣我又南踰把觥相飲後期有無期宿界上一又相語

自別幾時遽變寒暑遽或作復方作徧枕臂歌眠加余以股僕

來告言虎入廐處無敢驚逐以我驂去驂音蒙樊曰公貞元十九年與

張俱令南方明年冬會宿臨武界上虎入公廐取驢去
驢驢子也虎寅屬也公載張語云云已而順宗即位皆
改江陵府掾公君云是物不駿於乘虎取而往來寅其
法曹張工曹

徵寅方作寅○今按寅為辰名寅乃
寅緣之義當改作寅說見下條
我預在此與君俱

膺猛獸果信惡禱而憑
獸蜀本作首方云李本校作孟
首不知得之何本也葛魯卿云

驢不駿虎取之則亨也不待禱而有憑也○今按洪謝
本皆作孟首謂正月孟春之首也張言來寅其徵以虎
為寅神故言來歲寅月當有徵驗
孟首果得歸也然且作猛獸亦通
余出嶺中君竢州下

偕掾江陵非余望者郴山奇變其水清瀉泊砂倚石有

還
下吳故切又音罟一作還楚詞重華不
可還注逢也或曰心不欲見而見曰還
無捨衡陽放

酒熊咆

音庖 熊聲

虎嘯

音豪 虎聲

不存令章罰籌蝟毛

不存或作存不罰或

作罪方云唐人會飲以籌記罰劉夢得詩罰籌長樹委

舟湘流往觀南嶽雲壁潭潭穹林攸擢

雲方作天

避風太湖

七日鹿角

太或作大鹿角洞庭湖中地名元微之有鹿角詩湖旁至今有鹿角巡檢司也

鉤登

大鮎

奴兼切楚詞鱣鮎今延延注鮎鱣也

怒頰豕狗

許角切狗或作豹非是方云狗豕聲

盤炙酒羣奴餘啄走官皆下首下尻高

上苦刀切祝曰龍也漢東方朔

尻益高

下馬伏塗從事是遭子徵博士君以使已相見京

師過願之始分教東生君掾雍

於用切

首兩都相望

音忘於

別何有解手背面遂十一年君出我入如相避然生澗

死休吞不復宣

生澗死休或作生死休咎非是

刑官屬郎引章許奪

或作

奪許方作許奪○今按奪謂爭執不與猶今言定奪公事也墓志云守法爭議棘棘不阿即此事也方本無義

亦非

權臣不愛南昌是幹

今按墓志張自刑部出刺虔州然則昌當作康

明條

謹獄氓獠

張絞切又力道切

戶歌用遷澧

音禮澧州水名

浦為人受瘥

瘥昨何切病也孫曰署自虔州改澧州刺史民稅出雜產物與錢尚書有經數觀察使牒州徵錢陪數經署曰

刺史可為法不可貪官害民留牒不肯從竟以代罷還家東都起令河南屈拜後

生憤所不堪屢以正免身伸事蹇竟死不昇孰勸為善

丞相南討余辱司馬議兵大梁走出洛下哭不憑棺奠

不親殯不撫其子葬不送野望君傷懷有隕如瀉

望君或作

定居非是銘君之績納石壤中爰及祖考紀德事功

中方作下紀方

作已事或作著○今按上文已有下韻則此不當則有下字已字亦無文理下當作中已當作紀無疑也事功作著功於理亦順但下文便有外著後世則重出著字又似可疑姑從舊本作事蓋紀其德紀其事紀其功也又恐或是序字以似而誤然無所據不敢輒改也外著後世鬼神與通君其奚

憾不余鑒哀嗚呼哀哉尚饗

祭左司李員外太夫人文

維年月日某官某等謹以清酌庶羞之奠敬祭于某縣

太君鄭氏尊夫人之靈

某等或作某乙等

胄于茂族配此德門

克成厥家享有全福為婦為母再朝中宮搢紳推榮宗
黨是則某等幸隨令子同服官僚庶展哀誠式陳牢醴
尚饗

祭薛中丞文

方云此祭薛存誠也唐史有傳

維年月日

文苑作元和九年

某官某乙等謹以清酌庶羞之奠

祭于亡友故御史中丞贈刑部侍郎薛公之靈公之懿德茂行可以勵俗清文敏識足以發身宗族稱其孝慈

友朋歸其信義累昇科第亟踐班行左掖南臺

孫曰北齊號御

史臺為南臺樊曰左掖則給事中南臺則御史中丞

共傳故事詩人墨客爭諷新

篇羽儀朝廷輝映中外長途方騁大限俄窮聖上軫不
憖之悲具僚興云亡之歎況某等忘言斯久知我俱深
青春之遊白首相失來陳薄奠詎盡哀誠嗚呼哀哉尚

饗

祭裴太常文

維年月日愈等謹以庶羞清酌之奠敬祭于故太常裴

二十一兄之靈

文苑作元和九年晁本月日下具給事中李逢吉給事中孟簡吏部侍郎張惟

素吏部侍郎張賈禮部郎中史館修撰韓愈等五人

朝廷之重莫過乎禮雖經策

具存而精通蓋寡自郊丘故事宗廟時宜大君之所旁

求丞相之所卒問羣儒拱手宗祝醉心兄皆指陳根源

斟酌通變莫不允符天旨克協神休至于公卿冠昏士

庶喪祭疑皆響答問必實歸從我者足為軌儀異我者

無逃指笑動為時法言比古經獨立一朝高視千古而
又驅馳朋執僊俛宗親檐石之儲常空於私室方丈之

食每盛於賓筵

檐諸本多作甌方云舊本多作檐公秋懷詩用甌字按後漢明帝紀生無檐石

之儲檐字本此郭璞方言注甌石之儲實用甌字前漢蒯通揚雄傳皆只作檐貨殖傳鬻千檐顏曰檐人檐之

見一檐兩
甌丁濫切

贈必固辭求無不應孰云具美而不永年某

等早接遊從實欽道義致誠薄莫以訣終天嗚呼哀哉

尚饗

潮州祭神文五首

晁本第一首題作祭潮神文第二首題作又
祭止雨文第三題祭城隍文第四題祭界石

神文第五

不立題

維年月日潮州刺史韓愈謹差攝潮陽縣尉史虛已以
特羊庶羞之奠告于大湖神之靈愈承朝命為此州長
今月二十五日至治下凡大神降依庇貺斯人者皆愈
所當率徒屬奔走致誠親執祀事於廟庭下今以始至
方上奏天子思慮不能專一冠衣不淨潔與人吏未相

識知牲糈

下先旅切又音所孫曰糈祀神米也
離騷巫咸將夕降兮懷椒糈而要之

酒食器

血痛

與粗同潮本云一作損

弊不能嚴清又未卜日時不敢自薦

見使攝潮陽縣尉史虛已以告神其降監尚饗

維年月日潮州刺史韓愈謹以清酌服脩之奠祈于大

湖神之靈

服或作時丁喚切記曰大饗尚服修○今按若作時則脩當作羞

曰稻既穡

矣而雨不得熟以獲也

或無以獲字非

蠶起且眠矣而雨不得

老以簇也

千木切廣云蠶簇也

歲且盡矣稻不可以復種而蠶不

可以復育也農夫桑婦將無以應賦稅繼衣食也非神

之不愛人刺史失所職也

方無之字

百姓何罪使至極也神

聰明而端一聽不可濫以惑也刺史不仁可坐以罪惟

彼無辜惠以福也劃劃

上忽麥切又音畫下力支切又音麗祝曰劃劃解也分別也孫

曰刮去也雲陰卷月日也

月日或作日月非是

幸身有衣口得食給神

役也

口上或有而字得或作有

充上之須脫刑辟也選牲為酒以報

靈德也吹擊管鼓侑香潔也拜庭跪坐如法式也

庭方作廷

不信當治疾殃殛也神其尚饗

維年月日潮州刺史韓愈謹以柔毛剛鬣

孫曰記曰羊曰柔毛豕曰

鬣清酌庶羞之奠祭于城隍之神間者以淫雨將為人

災無以應貢賦供給神明上下獲罪罰之故乃以六月

壬子奔走分告乞晴于爾明神

下或再出爾字屬下句

明神閔人

之不辜若饗若答

饗或作響

糞除天地山川清風時興白日

顯行蠶穀以登人不咨嗟

咨方作疵

惟神之恩夙夜不敢忘

怠謹卜良日躬率將吏薦茲血毛清酌嘉羞侑以音聲

以謝神貺神其饗之

方作茲

維年月日潮州刺史韓愈謹遣耆壽成寓以清酌少牢

之奠告于界石神之靈

此五字或作界石之神

曰惟封部之內山

川之神克庥于人

庥或作庇

官則置立室宇備具服器奠饗

以時淫雨既霽蠶穀以成織婦耕男忻忻衍衍是神之

庥庇于人也敢不明受其賜謹選良月吉日齋潔以祀

神其鑒之尚饗

鑒之方作鑒茲

維年月日潮州刺史韓愈謹以清酌庶羞之奠祭于大
湖之神惟神降依茲土以庇其人今茲無有水旱雷雨
風火疾疫為災各寧厥宇以供上役長吏免被其譴賴
神之德夙夜不敢忘謹具食飲躬齋洗奏音聲以獻以

樂以謝厥賜不敢有所祈尚饗



別本韓文考異卷二十二

欽定四庫全書

集部

別本韓文考異卷二十三至
二十六

詳校官通政使_臣夢吉

總校官進士_臣繆琪

校對官助教_臣卜惟吉

謄錄監生_臣金特

欽定四庫全書

別本韓文考異卷二十三

宋 王伯大 重編

祭文

袁州祭神文三首

見本首篇題曰祭城隍文次題祭仰山神祈雨文次題又祭仰山神文

維年月日袁州刺史韓愈謹告于城隍神之靈

或無袁字下同

刺史無治行無以媚于神祇

以上或無無字

天降之罰以久不

雨苗且盡死刺史雖得罪百姓何辜

罪下方有死字
今按死字不當用

又上句已有不應重
出蓋因上句而誤也

宜降疾咎于某躬身無令鰥寡蒙

茲濫罰謹告

或無躬字方云國語
靡王躬身公用此也

維年月日袁州刺史韓愈謹以少牢之奠祭于仰山之
神曰神之所依者惟人人之所事者惟神今既大旱嘉
穀將盡人將無以為命神亦將無所降依不敢不以告
若守土有罪宜被疾殃於其身百姓可哀宜蒙恩憫以
時賜雨使獲承祭不怠神亦永有飲食謹告

維年月日袁州刺史韓愈謹以少牢之奠祭于仰山之
神曰田穀將死而神膏澤之百姓無所告而神恤之刺
史有罪而神釋之敢不有薦也尚饗

祭柳子厚文

維年月日韓愈謹以清酌庶羞之奠祭于亡友柳子厚

之靈

維年月日文苑作維某年歲次庚子五月壬寅朔五日景午柳下或有君字

嗟嗟子厚

而至於然邪自古莫不然我又何嗟人之生世如夢一覺
其間利害竟亦何校當其夢時有樂有悲及其既覺豈

足追惟凡物之生不願為材

為方作
謂非是

犧樽青黃

韓曰莊
子百年

之木破為犧樽青黃而文之其斷在溝中比犧
樽於溝中之斷則美惡有間矣其為失性均也

乃木之

災子之中棄天脫韁

知立切祝曰韁羈馬絆也莊子
連之以羈韁韓曰羈馬絡頭也

羈

玉佩瓊琚大放厥辭富貴無能磨滅誰紀子之自著表

表愈偉

表表或作
表奏非是

不善為斲血指汗顏巧匠旁觀縮手

袖閒

旁觀方作
觀旁非是

子之文章而不用世乃令吾徒掌帝之

制子之視人自以無前一斥不復羣飛刺天

飛或
作非

嗟嗟

子厚今也則亡

也則方
作有今

臨絕之音一何琅琅徧告諸友

以寄厥子不鄙謂余亦託以死凡今之交觀勢厚薄余
豈可保能承子託非我知子子實命我猶有鬼神寧敢
遺墮寧或作子念子永歸無復來期設祭棺前矢心以辭鳴
呼哀哉或無此四字尚饗

祭湘君夫人文

維元和十五年歲次庚子十月某日朝散大夫守國子
祭酒護軍賜紫金魚袋韓愈謹使前袁州軍事判官張
得一此上四十四字或只作維年月日國子祭酒韓愈謹令張得一方從石本以清酌之奠

敢昭告于湘君湘夫人二妃之神前歲之春愈以罪犯黜

守潮州

或作陽方從石本

懼以譴死且虞海山之波霧瘴毒為

災以殞其命舟次祠下是用有禱于神神享其衷賜以

吉卜曰如汝志蒙神之福啓帝之心去潮即袞今又獲

位於朝復其章綬退思往昔實發夢寐凡卅年於今乃

合

卅或作三方從石本云此蓋言卅年前常有夢寐非以貶日言之也今按上文但云前歲之禱則實發

夢寐者但謂不敢忘前歲之吉卜耳此卅字未詳其義恐亦石本之誤也方說非是夙夜怵惕敢

忘神之大庇

怵或作悚

伏以祠宇毀頓憑附之質丹青之飾

暗昧不主不稱靈明

暗昧不主或作暗昧不佳或作昧暗不燭方從石本云圭與燭同音

集韻蠲潔也明也通作圭詩吉蠲為饔韓詩作吉圭周禮蜡氏令州里除不蠲注讀如吉圭為饔之圭陸音曰舊讀為圭呂氏春秋飲食必蠲潔高誘亦讀作圭此類非一今作佳由圭字訛也靈明或作明靈方從石本

外無四垣堂陞頽落牛羊入室居民行商不來祭享輒

敢以私錢十萬修而作之

萬下諸本有祈于邦伯四字方從石本

舊碑斷

折其半仆地文字缺減幾不可讀謹修而樹之

或無廟謹字

成之後將求玉石仍刻舊文因銘其陰以大振顯君夫人之威神以報靈德俾民承事萬世不怠惟神其鑒之

尚饗

始將既修樹舊碑仍刻其文於新石因銘其陰舊碑石既多破落文不可盡識移之於新或失其真遂不

復刻

此四十二字石本附祭文後諸本皆有之方云此蓋後人以碑本附入閣杭皆無之今按此

必公自記故石本有之當附於此方但以閣杭本闕遂直刊去亦可惜也今從諸本而下一字書之

祭竇司業文

竇名牟公嘗誌其墓事見誌中

維年月日兵部侍郎韓愈謹以清酌庶羞之奠祭于故國子司業竇君二兄之靈惟君文行夙成有聲江東魁

然厚重長者之風一舉於鄉遂收厥功屢佐大侯以調

兵戎詔曰予虞汝為郎中乃令洛陽歲且四終惟刑之

慎掌正隸僮命守高平

澤州高平郡

命副儒宮

副或作制

朱衣銀

魚象服以崇錫榮考妣孝道上窮官不滿能亦云達通

踰七望八年孰非翁

或作踰七八年孰非望公方從闕杭苑云實卒年七十四

在君

無憾我意不充君之昆弟三以辭雄

實兄弟五人常牟羣庠羣有聯珠集

傳于世云文所謂三以辭雄蓋實常牟羣俱第進士

刺史郎中四繼三同

謂牟庠相繼為

澤州刺史四繼三同則常牟羣庠皆為之也

於士大夫可謂顯融我之獲見

實自童蒙既愛既勸在麻之蓬

愛既或作愛誘非是

自視雛鷺望

君飛鴻四十年餘事如夢中

諸本皆如此方從閣杭苑及南唐本作事半如夢云

古夢音平去聲通石崇詩周公不足夢與可以守至冲

叶

今按事半如夢語意破碎不如諸本之渾全而快

健前人誤改當以重押中字之故不知公詩多不避也

分宰河洛媿立竝躬俱官

於學以纖臨洪惠許不酬報德以空

許方作詩今按惠許謂上文愛勸

而又稱許也

死生莫接孰明我衷於祭告情文以自攻嗚呼

哀哉尚饗

祭侯主簿文

方云此謂侯喜也

蜀本注繼字非

維年月日吏部侍郎韓愈謹遣男殿中省進馬佶致祭
于亡友故國子主簿侯君之靈嗚呼惟子文學今誰過
之子於道義困不捨遺

困或作閑捨或作拾皆非是

我狎我愛人莫

與夷自始及今二紀于茲我或為文筆俾子持唱我和
我問我以疑我釣我遊莫不我隨我寢我休莫爾之私
朋友昆弟情敬異施惟我於子無適不宜棄我而死嗟
我之衰相好滿目少年之時日月云亡今其有誰誰不

富貴而子為霸我無利權雖怨曷為子之方葬我方齋

祠

方葬或作云葬

哭送不可誰知我悲嗚呼哀哉尚饗

祭竹林神文

維年月日京兆尹兼御史大夫韓愈謹以酒脯之奠再拜稽首告于竹林之神曰天子不以愈為愚不能使尹茲大衆二十三縣之人今農既勤於稼有苗盈野而天不雨將盡槁以死農將無所食鬼神將無以為饗國家之禮天地百祀神祇不失其常惠天之人不失其和

方無

祀字惠天下或有下字方從闕杭本今按此人又無

人字當為民字以避諱而用人字也下句同

罪何為造茲旱虐以罰也

虐方從闕杭蜀本在罰字下非是

將俾尹者

不仁不明不能承帝之勅以化正其下聞無香惟腥神

于惠罰無差施罪瘡于尹愈身是甘是宜

神于或作神之

雨則

時降神無爽其聰明永饗于人無媿尚饗

曲江祭龍文

維年月日京兆尹兼御史大夫韓愈謹以香果之奠敢
昭告于東方青龍之神天作旱災嘉穀將槁乃於甲乙

之日依佳古法

孫曰董仲舒求雨法甲乙日為青龍一長八尺居中為小龍七長各四丈於東

方丙丁日為赤龍一長七丈小龍七長各三丈五尺戊巳日為黃龍一長五丈小龍七各長二丈五尺庚辛日

為白龍一壬癸日作神之象齋戒祀禱神其享祐之時
為黑龍一皆倣此

降甘雨以惠茲人急急如律令

時方作將非是

祭馬僕射文

維年月日吏部侍郎韓愈謹以清酌庶羞之奠敬祭于

故僕射馬公十二兄之靈惟公弘大溫恭全然德備天

故生之其必有意將明將昌實艱初試佐戎滑臺

滑州斥

由尹寺適彼甌閩餽飢

上魚列切下魚厥切又上音業下音屹

跋躓

上音拔下

音致頓也

顛而不踈

於卧切足跌也

乃得其地于泉于虔始執郡符

遂殿

都殿切

交州抗節番

音潘

禺去其螟蠹蠻越大蘇

蠹或作騰

擢亞秋官朝得碩士人謂其崇我勢始起東征淮蔡相

臣是使公兼邦憲以副經紀殲彼大魁厥勲孰似丞相

歸治留長蔡師茫茫黍稷昔實棘茨鳩鳴雀乳不見梟

鷃惟蔡及許舊為血仇命公并侯耕借之牛束其弓矢

禮讓優優始誅郢戎厥墟麼么公往滌之茲惟樂郊惟

東有獬惟西有虺顛覆朋隣我餘有幾

餘有或作有餘今按此用左

氏身其餘幾之語或本非是

律萃中居斬其脊尾岱定河安惟公之

韙

獬音制虺許韙切律音律萃慈卹切韙羽鬼切祝曰獬狂犬也虺蜥也淮南子獬犬不自投於河孫曰十

月沂州軍亂殺節度使王遂長慶元年七月盧龍軍亂囚節度使張弘靖成德軍殺節度使田弘正二年正月

魏博節度使田希自殺三月寧武軍節度使崔羣為軍中所逐河岱充鄆之境韙是也帝念厥功

還公于朝陟于地官且長百僚度彼四方孰樂可據顧

瞻衡鈞將舉以付

衡鈞或作之餘

惟公積勤以疾以憂及其歸

時當謝之秋賀門未歸弔廬已萃

門或作問今按此用慶者在門之語或

本非是

未燕于堂已哭于次昔我及公實同危事且死且

生誓莫捐棄歸來握手曾不三四曾不濡翰酬酢文字

曾不醉飽以勸酒馘

側吏切

奠以敘哀其何能致嗚呼哀

哉尚饗

弔武侍御所畫佛文

方無弔字

御史武君當年喪其配歛其遺服櫛珥鞞脫

櫛側瑟切珥乃吏切

鞞音盤脫始銳切祝曰櫛梳也禮記咸盥漱櫛縱笄總珥耳瑤也

于篋月旦十五日則

一出而陳之抱嬰兒以泣

御史或作侍御鞞或作繫方云繫小囊鞞大帶也今按

儀禮士昏禮康母及門內施鞶注鞶

有為浮屠之法者

造武氏而諭之曰是豈有益邪

方從闍杭作也非是

吾師云人死

則為鬼鬼且復為人隨所積善惡受報環復不窮也極

西之方有佛焉其土大樂

西下或無之字

親戚姑能相為圖是

佛而禮之願其往生莫不如意

樊曰柳子厚永州龍興寺脩淨土院記中州之

西有國曰身毒釋迦示現之地彼佛言曰西方有世界曰極樂佛號無是受如來其國無三惡八難衆寶以為飾其人無七纏九惱羣聖以為友有能誠心大歸願生是土者苟能念力具足則往生彼國然後出三界之外

武君憮

文甫切追憐也

然辭曰吾儒者其可以為是既又逢月

旦十五日復出其篋實而陳之

其篋方無其字

抱嬰兒以泣且

殆而悔曰是真何益也吾不能了釋氏之信不又安知

其不果然乎

方無且字乎字或本且字在悔字下

於是悉出其遺服櫛佩

合若干種就浮屠師請圖前所謂佛者浮屠師受而圖

之韓愈聞而弔之曰哲哲兮目存

哲哲或作哲哲

丁寧兮耳言

忽不見兮不聞

見下或有不有字或無兮字

莽誰窮兮本源圖西佛

兮道予慙以妄塞悲兮慰新魂

新上或有斯字

嗚呼奈何兮弔

以茲文

祭故陝府李司馬文

李漢之父

維年月日守國子祭酒賜紫金魚袋韓愈謹以清酌之

奠祭于故陝府左司馬李公之靈曰公學以為耕文以

為穫發憤孤身復續厥家

孤或作善續或作績

選于吏部亟以科

進歷臨大邑惟政有聲

惟或作為

遂丞宗正日朝帝庭出輔

陝都吏畏僚慕子婦諸孫盈于室堂公姑悅喜五福具

有

姑或作始非是

大夫士家孰不榮羨如何不常以至大故鳴

呼哀哉愈以守官不獲弔送昏姻之好以哀以悲敬致

徵禮公其歆之

歆方作昭

尚饗

祭十二兄文

公從兄發也

月日從父弟某官某乙謹以清酌庶羞之奠敢昭告于

十二兄故號州司戶府君之靈

或無故字

嗚呼維我皇祖有

孫八人

孫曰皇祖叔素桂州長史樊曰其孫曰會曰介曰愈曰俞曰岌見於世系及公集才五人又有

奔侍御史死平涼之盟其二人逸矣

惟兄與我後死孤存奈何於今又棄

而先生不偕居疾藥不親斂不摩棺瘞不繞墳趨奔東

制生死虧恩

奔或作生非是

歸女教男反骨本原其不有年以

補我愆長號送哀以薦此文尚饗

尚上或有
嗚呼字

祭鄭夫人文

維年月日愈謹於逆旅備時羞之奠再拜頓首敢昭祭

于六嫂榮陽鄭氏夫人之靈

維年月日晁本作貞元九年歲次癸酉九月朔日方

無謹於
二字

嗚呼天禍我家降集百殃我生不辰三歲而孤

蒙幼未知鞠我者兄在死而生實維嫂恩未盡

初靳切
祝曰毀

齒也周禮凡未齒者皆不
為奴韓曰男八歲而齒

一年兄宦王官提攜負任去

洛居秦念寒而衣念飢而殮疾疹

音辰

水火無灾及身

或疹

作劬勞閔閔保此愚庸年方及紀荐及凶屯兄罹讒口

承命遠遷

遠或作南

窮荒海隅天關百年萬里故鄉幼孤在

前相顧不歸泣血號天徽嫂之力化為夷蠻水浮陸走

丹旄翩然至誠感神返葬中原既克返塋遭時艱難百

口偕行避地江濱

口方作日云從闔杭蜀本日偕行無理當從口為是然或以祭

今按百

老成文有就食江南零丁孤苦之語疑不得有百口不知此亦通良賤而言闔門之衆耳未必實計百人也

春秋霜露薦敬蘋蘩以享韓氏之祖考曰此韓氏之門

視余猶子誨化諄諄爰來京師年在成人屢貢于王名

迺有聞念茲頓頑非訓曷因

頓或作鈍方云漢書陳平傳士之頑頓嗜利無耻者

顏讀頓曰鈍

感傷懷歸隕涕熏心苟容躁進不顧其躬祿仕

而還以為家榮奔走乞假東西北南孰云此來迺睹靈

車有志弗及長負殷勤嗚呼哀哉昔在韶州之行受命

于元兄

于或作於

曰爾幼養于嫂喪服必以暮今其敢忘天

實臨之嗚呼哀哉日月有時歸合塋封終天永辭絕而

復蘇伏惟尚饗

祭十二郎文

年月日

方無日字文苑作貞元十九年五月二十六日

季父愈聞汝喪之七日

乃能銜哀致誠使建中遠具時羞之奠告汝十二郎之

靈

文苑郎下有子字語雖不必存亦不可不知也

今按郎子是當時今謾補之

嗚呼吾少孤

及長不省所怙惟兄嫂是依中年兄歿南方吾與汝俱

幼從嫂歸葬河陽既又與汝就食江南零丁孤苦未嘗

一日相離也吾上有三兄皆不幸早世承先人後者在

孫惟汝在子惟吾兩世一身形單影隻嫂常撫汝指吾

而言曰韓氏兩世惟此而已汝時尤小當不復記憶吾

時雖能記憶亦未知其言之悲也吾年十九始來京城

其後四年而歸視汝又四年吾往河陽省墳墓遇汝從

嫂喪來葬

往上或無吾字

又二年吾佐董丞相于汴州汝來省

吾止一歲請歸取其孥

相下或有幕字

明年丞相薨吾去汴州

汝不果來是年吾佐戎徐州使取汝者始行吾又罷去

汝又不果來

佐上或有又字者上或有使字

吾念汝從于東東亦客也

不可以久圖久遠者莫如西歸將成家而致汝

或有兩圖字一

屬上句非是

嗚呼孰謂汝遽去吾而歿乎

謂或作為而下或有先字

吾與

汝俱少年以為雖暫相別終當久與相處故捨汝而旅

食京師以求斗斛之祿誠知其如此雖萬乘之公相吾

不以一日輟汝而就也去年孟東野往吾書與汝曰吾

年未四十而視茫茫而髮蒼蒼而齒牙動搖

方云蜀人史彥昇云

退之祭文視荒荒今俗本作茫茫非是陳後山詩平陳鄭毛視荒荒本此也今按古書如荒忽茫茫忽之類皆

二字也意義多相近當存之

念諸父與諸兄皆康彊而早世如吾之

衰者其能久存乎

存方作在

吾不可去汝不肯來恐旦暮死

而汝抱無涯之戚也

去或作知

孰謂少者歿而長者存彊者

夫而病者全乎嗚呼其信然邪其夢邪其傳之非其真

邪

或無其夢邪三字

信也吾兄之盛德而天其嗣乎汝之純明

而不克蒙其澤乎少者彊者而天歿長者衰者而存全

乎未可以為信也夢也傳之非其真也

非上或有者字

東野之

書耿蘭之報何為而在吾側也嗚呼其信然矣吾兄之

盛德而天其嗣矣汝之純明宜業其家者不克蒙其澤

矣

業或作榮

所謂天者誠難測而神者誠難明矣

明方作得非是所

謂理者不可推而壽者不可知矣

壽方作年

雖然吾自今年

來蒼蒼者或化而為白矣動搖者或脫而落矣

蒼下或無者字

毛血日益衰志氣日益微幾何不從汝而死也

志氣方作氣志

死而有知其幾何離其無知悲不幾時而不悲者無窮

期矣汝之子始十歲吾之子始五歲少而彊者不可保

如此孩提者

樊曰汝之子始十歲謂湘也吾之子始五歲謂昶也其後湘登長慶三年第昶登四

年第昶生綰哀綰咸通四年哀七年進士天之所以昌韓之後如此孰謂不可冀其成立耶

又可冀

其成立耶

十或作一方云老成二子曰湘曰滂滂以季子出繼則湘固宜十歲也

嗚呼哀

哉嗚呼哀哉汝去年書云比得軟脚病往往而劇

比或作此

是非吾曰是疾也江南之人常常有之未始以為憂也

下南

或無之字憂嗚呼其竟以此而殞其生乎抑別有疾而

下或無也字

斯下或有極字

至斯乎汝之書六月十七日也東野云汝歿以

六月二日耿蘭之報無月日

或作日月

蓋東野之使者不知

問家人以月日如耿蘭之報不知當言月日

或無如字言或作時

今按陸德明經典釋文序論當時語音之訛有曰而如靡異則此如字即而字之轉耳不知當言月日者蓋

言耿蘭之報所以無月日者由其不知赴告之體當具月日以報也

東野與吾書乃問使

者使者妄稱以應之耳其然乎其不然乎

東上或有蓋字方無其不

然乎一語今吾使建中祭汝弔汝之孤與汝之乳母彼有食

可守以待終喪則待終喪而取以來如不能守以終喪

則遂取以來其餘奴婢並令守汝喪或作葬吾力能改葬

終葬汝於先人之兆然後惟其所願方無終葬二字願下有焉字鳴

呼汝病吾不知時汝歿吾不知日生不能相養以共居

歿不能撫汝以盡哀斂不憑其棺室波驗切下棺也不臨其穴

憑上臨上或並有得字吾行負神明而使汝天不孝不慈而不得

與汝相養以生相守以死行或作何一在天之涯一在地之

角生而影不與吾形相依死而寃不與吾夢相接吾實
為之其又何尤彼蒼者天曷其有極自今已往吾其無
意於人世矣當求數頃之田於伊潁之上以待餘年

方作

盡

今按或當作待盡餘年

教吾子與汝子幸其成長吾女與汝女

待其嫁如此而已嗚呼言有窮而情不可終汝其知也

邪其不知也邪嗚呼哀哉

或無此句

尚饗

祭周氏姪女文

周況之妻

維年月日十八叔叔母具時羞清酌之奠祭于周氏二

十娘子之靈

方無子字

嫁而有子女子之慶纏疾中年又命

不永今當長歸與一世違凡汝親戚孰能不哀撰此酒食以與汝訣汝曾知乎我念曷閔尚饗

祭滂文

樊曰老成二子湘滂於公為姪孫元和十四年春公自刑部侍郎出守潮州湘滂實從行冬公移袁滂至袁卒詳見公所墓誌

維年月日十八翁及十八婆盧氏以清酌庶羞之奠祭于二十三郎滂之靈曰汝聰明和順出於輩流彊記好

文又少與比將謂成長以興吾家如何不祥未冠而夭

吾與盧氏痛傷可言

可或作何

思母之恩連呼以絕執兄之

手勉以無悲情一何長命一何短權葬遠地孤魂無依
瀝酒告情哀何有極尚饗

祭李氏二十九娘子文

維年月日十八叔翁及十八叔婆盧氏遣昶以庶羞之
奠祭于李氏二十九娘之靈曰汝之警敏和靜人莫及
之

靜或作舒

姿相豐端不見闕虧幼而孤露其然何為出從

于人既相諧熙又暴以天神何所疵生殺減益竟誰主
尸我哀汝母孰慰窮嫠我憐汝兒誰與抱持念此傷心
不能去離奠以送汝知乎不知尚饗

祭張給事文

徹

維年月日兵部侍郎韓愈謹以清酌之奠祭于故殿中

侍御史贈給事中張君之靈

御上或
無侍字

惟君之先以儒名

家逮君皇考再振厥華鄉貢進秀有司第之

貢或
作舉

從事

元戎謹職以治遂拜郎官以職王憲不長其年飛不盡

翰乃生給事松貞玉剛幹父之業纂文有光屢辟侯府
亦佐梁師前人是似耆吏嗟咨御史闕人奪之於朝大
厦之構斧斤未操府遷幽都頑悖未孚繫君之賴乃奏
乞留乃遷殿中朱衣象版惟義之趨豈利之踐虺豺發
釁闔府屠割或作剝償其恨犯君獨高脫露刀成林弓矢
穰穰刀或作及千萬為徒譟謹為狂君獨叱之上不負汝為
此不祥將死無所雖愚何知慙屈變色君義不辱殺身
就德天子嘉之贈官近侍歸於一死萬古是記我之從

女為君之配君於其家行實高世無所於葬輿竟東歸
於葬或作掩葬輿或作與誄以贈之莫知我哀嗚呼哀哉尚饗

祭女挈女文

挈或從奴方云古本祭文與壙銘皆作女挈重彥遠曰挈字傳寫之誤蓋古文如紛挈等字無從奴者公最好古名其女不應用俗字也今按挈挈通說已見第五卷李花詩

維年月日阿爹阿八使汝妳以清酒時果庶羞之奠祭
于第四小娘子挈子之靈嗚呼昔汝疾極值吾南逐

極或

作蒼黃分散使汝驚憂我視汝顏心知死隔汝視我面

卷二十三
悲不能啼我既南行家亦隨譴扶汝上輿走朝至暮天

雪冰寒傷汝羸肌

天或作大汝或作女方云古本汝多作女通用

撼頓險阻不

得少息不能食飲又使渴飢死于窮山實非其命不免

水火父母之罪使汝至此豈不緣我草葬路隅棺非其

棺既瘞遂行誰守誰瞻覓單骨寒無所託依人誰不死

於汝即寬我歸自南乃臨哭汝汝目汝面在吾眼傍汝

心汝意宛宛可忘

宛宛或作寬寬方云詩宛在水中央鄭注宛坐見貌

逢歲之吉

致汝先墓無驚無恐安以即路飲食芳甘棺輿華好

或芳

柔作歸于其丘萬古是保尚饗

別本韓文考異卷二十三

欽定四庫全書

別本韓文考異卷二十四

宋 王伯大 重編

碑誌

李元賓墓銘

李觀字元賓

方云謝從古本刪字字今文粹亦然然其石本有之此文方從石本今竝從之

先隴西人也

或無也字

始來自江之東年二十四舉進士三

年登上第

東下或有食太學之祿五字

又舉博學宏辭得太子校書

一年

書下或有又字

年二十九客死于京師

于或作於

既歛之三日

友人博陵崔弘禮葬之于國東門之外七里

欵下或無之字友上

或有其字葬上或有賣馬字葬下或無之字

鄉曰慶義原曰嵩原

慶義或作某鄉嵩原

或作某原

友人韓愈書石以誌之辭曰

人下或有昌黎字辭上或有其字

已庠元賓壽也者吾不知其所慕夭也者吾不知其所

惡生而不淑孰謂其壽

謂其或作爲之

死而不朽孰謂之夭

謂之

或作爲其

已庠元賓才高乎當世而行出乎古人

才或作文出或作過

已庠元賓竟何為哉竟何為哉

已庠元賓諸本無此再出四字方從石本今亦

從之但方又云上竟字石本作意而邵公濟嘗歎其句
法之妙謂歐公而下好韓氏學者皆未之見遂從其說
定上字作志意之意下句作究竟之竟則予不識其何
說也竊意若非當時誤刻即是後來字半磨滅而讀者
不審遂傳此謬好事者又從而夸大之使
世之愚而好怪者遂為所惑甚可笑也

崔評事墓銘

君諱翰字叔清博陵安平人

安平或作平安方云
今深州有安平縣

曾大

父知道仕至大理司直大父玄同為刑部侍郎出刺徐

相州

同方作童非
是或無相字

父倚舉進士天寶之亂隱居而終君

既喪厥父攜扶孤老託于大江之南卒喪通儒書作五

字句詩敦行孝悌誼諧縱譔卓詭不羈又善飲酒江南

人士多從之遊

卓詭方無此二字或作處世皆非是

貞元八年君生四十

七年矣

方云以卒日攷之七當作六

自江南應節度使王栖曜命于

鄜州既至表授右衛胄曹叅軍實叅幕府事直道正言

補益弘多

弘或作尤

既去職遂家于汝州汝州刺史吳郡陸

長源引為防禦判官表授試大理評事十二年相國隴

西公作藩汴州而吳郡為軍司馬隴西公以為吳郡之

從則賢也

之從或作從事或併出之字皆非是

署為觀察巡官實掌軍田

鑿澮溝斬茭茅

或作茆方云茆鳧葵也此無水陸言之作茅自當

為陸田千二

百頃水田五百頃

或無為字五百或作二千

連歲大穰軍食以饒幕

府以其功狀聞

或無其字

使者未復命以十五年正月五日

寢疾終于家年五十有六矣隴西公賻贈有加自始有

疾吳郡率幕府寮屬日一至其廬問焉其既甚也日再

往問焉其終也往哭焉比小斂大斂三哭焉

方無大斂字今按

上文并大斂計之乃得三哭方本非是

於斂之二十日其妻與其子以君

之喪旋葬于汝州

與方作以或無于字

其二月某日遂葬于某縣

某鄉某原君內仁九族外盡賓客於其所止其來如歸
苟親矣雖不肖收之如賢苟賢矣雖貧賤待之如貴人
是故其歿也其弔者與其哭者其聲也必哀盡焉妻鄭
氏也有子二人女一人吾聞位不稱德者有後嗚呼君
其終有後乎

德者下或有其終字

銘曰

朝之言嘻嘻夕之言怡怡偕入而出乘馬馳

馬下或有而字

一

日不見而死吁其悲

其下或有可字

施先生墓銘

貞元十八年十月十一日太學博士施先生士丐卒其

寮太原郭伋買石誌其墓

方無太原字

昌黎韓愈為之辭曰

先生明毛鄭詩通春秋左氏傳善講說朝之賢士大夫

從而執經考疑者繼于門

繼下或有往字

太學生習毛鄭詩春

秋左氏傳者皆其弟子貴游之子弟時先生之說二經

來太學帖帖坐諸生下恐不得卒聞

帖帖或作怡怡下又有然字非是

先生死二經生喪其師仕於學者亡其朋故自賢士大

夫老師宿儒新進小生聞先生之死哭泣相弔歸衣服

貨財先生年六十九在太學者十九年由四門助教為

太學助教由助教為博士太學

由四下十八字此從諸本方從杭本無為太學

助教由助教八字云蓋言由四門助教至為博士於太學故也若從今文則下太學字贅矣今按此既言其在太學者十九年則所歷官不應但一再遷而已當從諸本為是但下太學二字疑衍不然則或在博士上或在下文當去下然無所據不敢輒改姑存之以俟知者秩滿當去諸生輒拜疏乞

留

下或有或乞遷二字

或留或遷凡十九年不離太學

方云杭本無凡下八

字今按上文已云在太學者十九年則此八字誠為重複然欲去之則或留或遷語勢未盡又不知公意果如何今亦論而闕之祖曰旭袁州宜春尉父曰姥

不敢定其去留也

丑畧切

豪州定遠丞

豪方作濠說已見前按此誌在元和之前去水為是

妻曰太原王氏

先先生卒子曰友直明州鄞縣主簿

鄞或作鄞

曰友諒太廟

齋郎系曰

先生之祖氏自施父其後施常事孔子以彰讎為博士

延為太尉太尉之孫始為吳人曰然曰續亦載其跡

續或

續作先生之興公車是召纂序前聞于先有耀古聖人言

其旨密微箋注紛羅顛倒是非

紛方作分

聞先生講論如客

得歸

得或作有

早讓肫肫出言孔揚

方云中庸曰肫肫其仁鄭注肫讀如誨爾諄諄

之諄懇
誠貌

今其死矣誰嗣為宗

為或
作其

縣曰萬年原曰神禾

高四尺者先生墓邪

考功員外盧君墓銘

銘或
作表

愈之宗兄故居舍人君

樊曰柳子厚先友記云韓會
昌黎人善清言有文章名最

高然以故多謗至起居郎貶
官卒則起居舍人君會也

以道德文學伏一世

伏或
作服

其友四人其一范陽盧君東美少未出仕皆在江淮間

天下大夫士謂之四夔

方無少字
盧東美張正則

韓曰永泰中會與
崔造為友好談

經濟之畧常以王佐自許時人號為四夔舊史載於崔
造傳新史亦具載之而據言乃以何長師李華盧東美

韓衛為四
夔非是

其義以為道可與古之夔皋者侔故云爾

夔皋

或作皋
夔後同

或曰夔嘗為相世謂相夔四人者雖處而未仕

天下許以為相故云大厯初御史大夫李栖筠由工部

侍郎為浙西觀察使當是時中國新去亂仕多避處江

淮間

仕或
作士

嘗為顯官得名聲以老故自任者以千百數

大夫莫之取獨晨衣朝服從騎吏入下里舍請盧君

方無

晨

君時始任戴冠通詩書與其羣日講說周公孔子以

相磨礱浸灌婆娑嬉遊未有捨所為為人意既起從大

夫天下未知君者惟奇大夫之取人也不常必得人其

知君者謂君之從人也非其常守必得其從

知上方無其字其

後為太常博士監察御史河南府司錄考功員外郎年

若干而終在官舉其職

若干或作五十四

夫人李姓隴西人君

在配君子無違德

配上或有作字

君歿訓子女得母道甚

或作甚得

母道後君二十年年六十六而終

二十或作若干或十六或作十四

將合

葬其子暢命其孫立曰乃祖德烈靡不聞然其詳而信

者宜莫若吾先人之友先人之友無在者起居丈有李

曰愈能為古文業其家

文或作又

是必能道吾父事業汝其

往請銘焉

父下或有之字

立於是奉其父命奔走來告愈謂立

曰子來宜也行不可一二舉且吾之生也後不與而祖

接不得詳也

得下或有其字

其大者莫若衆所與觀所與衆寡

茲可以審其德矣乃祖未出而處也天下大丈夫士以為

與古之夔臯者侔且可以為相其德不既大矣乎

大夫或作

之講說周公孔子樂其道不樂從事於俗得所從不擇

外內奮而起其進退不既合於義乎

擇或作釋

銘如是可以

示於今與後也歟立拜手曰唯唯君祖子輿濮州濮陽

令父同舒州望江令夫人之祖延宗鄆州司馬父進成

鄆州洛交令

君祖下三十四字或但言君祖某某官父某某官夫人之祖某某官父某某官夫人

下或無之字

男三人暢申易女三人皆嫁為士人妻

士下或無人字

墓在河南緱氏縣梁國之原

緱氏下七字或作某某縣某原

其年月日

或無此四字非是

元和二年二月十日云

十下或有四字

施州房使君鄭夫人殯表

夫人之先出於周

方無之字今按此篇之文平易明白宜有之字

以鄭為氏

因初侯曾祖諱隨祖諱玠厥考諱絳咸垂休歸于房宗
生九子左右黍稷祠春秋道順德嚴顯且裕宜壽而富
今何謬富或作貴永貞冬至前四日寓殯墳此非其丘

清邊郡王楊燕奇碑文

見本作清邊郡王楊公神道碑

公諱燕奇字燕奇

字上或無奇字

弘農華陰人也大父知古祁

州司倉烈考文誨天寶中實為平盧衙前兵馬使

盧下或有

軍位至特進檢校太子賓客封弘農郡開國伯世掌諸

蕃互市恩信著明夷人慕之祿山之亂公年幾二十進言於其父曰大人守官宜不得去王室在難某其行矣

宜或作義

其父為之請於戎帥遂率諸將校之子弟各一人

間道趨關變服詭行日倍百里天子嘉之特拜左金吾衛大將軍負外置賜勲上柱國寶應二年春詔從僕射田公平劉展又從下河北大厯八年帥師納戎帥勉于滑州九年從朝于京師建中二年城汴州功勞居多

二年

或作二歲

三年從攻李希烈先登貞元二年從司徒劉公復

汴州十二年與諸將執以城叛者歸之于京師事平授

御史大夫食實封百戶賜繒綵有加封下或有五字十四年年

六十一五月某日終于家自始命左金吾大將軍凡十

五遷為御史大夫職為節度押衙右廂兵馬使兼馬軍

先鋒兵馬使右或作左階為特進勲為上柱國爵為清邊郡

王食虛邑自三百戶至三千戶真食五百戶終焉或無自字

或無五字公結髮從軍四十餘年或作歲敵攻無堅城守必完

臨危蹈難歔歔感發乘機應會捷出神怪不畏義死不

榮幸生故其事君無疑行其事上無間言初僕射田公其母隔於冀州公獨請往迎之經營賊城出入死地卒致其母田公德之約為父子故公始姓田氏田公終而後復其族焉嗣子通王屬良禎以其年十月庚寅葬公于開封縣魯陵岡隴西郡夫人李氏祔焉

通王德宗之子諱以貞元

中領宣武及河東節葬月或作二月或作三月或作八月或作十月方云燕奇卒於五月作二三月者誤矣但以僕射田公田神功也神功以上元二年平劉展此作寶應二年舊傳神功大歷八年冬覲

夫人清夷郡太守

闕廷信宿而終此作九年皆差也

祐之孫漁陽郡長史獻之女柔嘉淑明先公而殂有男
四人女三人後夫人河南郡夫人雍氏某官之孫某官
之女有男一人女二人咸有至性純行夫人同仁均養
親族不知異焉男一人女二人或作男二人女一人
人女上或有有字一亦無有字君子
於是知楊公之德又行於家也銘曰

烈烈大夫逢時之虞

大夫或作丈夫

感泣辭親從難于秦維茲

爰始遂勤其事四十餘年或禪或專攻牢保危爵位已

濟既明且慎終老無墮魯陵之岡蔡河在側

在或作之

烝烝

孝子思顯勲績斷石于此式垂後嗣

河南少尹裴君墓誌銘

公諱復字茂紹

伏或作稷方云唐世系表集古錄皆作伏

河東人曾大父元

簡大理正大父曠御史中丞京畿採訪使父虬以有氣

畧敢諫諍為諫議大夫

方無有字諫諍二字或作言或無諍字

引正大疑

有寵代宗朝屢辭官不肯拜卒贈工部尚書公舉賢良

拜同官尉僕射南陽公開府徐州召公主書記三遷至

侍御史入朝歷殿中侍御史累遷至刑部郎中

遷或作選非是

疾病改河南少尹與至官若干日卒實元和三年四月

二十三日享年五十夫人博陵崔氏少府監頤之女男

三人環質皆既冠其季始六歲曰充郎

充或作彥方云世系表作望郎

卜葬得公卒之四月壬寅遂以其日葬東都芒山之陰

杜崔村公幼有文年十四上時雨詩代宗以為能將召

入為翰林學士尚書公請免曰願使卒學

方無使字

丁後母

喪上使臨弔又詔尚書公曰父忠而子果孝吾加賜以

厲天下終喪必且以為翰林

詔或作謂林下有或有學士字

其在徐州

府能勤而有勞在朝以恭儉守其職居喪必有聞待諸

弟友以善教館嫠妹畜孤甥能別而有恩

而有或作而以

歷十

一官而無宅於都無田於野無遺資以為葬斯其可銘也
已銘曰

裴為顯姓入唐尤盛支分族離各為大家

方云此銘以家叶離方言

羅謂之羅羅謂之羅蓋古音通也

惟公之系德隆位細

今按詩史爰及楚詞多此類

曰子曰孫厥聲世繼

子或作祖

晉陽之色愉愉翼翼

色或作邑

無

外無私幼壯若一何壽之不遐而祿之不多謂必有後

其又信然耶

國子助教河東薛君墓誌銘

石本有河東字方本無然此
後方多從石本今亦從之

君諱公達字大順薛姓

字大順或作字某

曾祖曰希莊撫州刺史

史贈大理卿祖曰元暉果州流溪縣丞贈左散騎常侍

祖下十六字方云閣杭蜀本皆闕惟監本與石本同
今按方氏所校專據三本而謂今本皆不足取今此類
字乃三本所無而今有者若非偶有石本則必以為後
人校增而不之信矣故知今本與閣杭蜀苑粹不同者
未必皆無所自
也觀者詳之
父曰播尚書禮部侍郎侍郎命君後兄

據據為尚書水部郎中贈給事中

據或作授

君少氣高為文

有氣力務出於奇以不同俗為主始舉進士不與先輩

揖作胡馬及圓丘詩京師人未見其書皆口相傳以熟

及擢第補家令主簿佐鳳翔軍

或無及擢第三字

軍帥武人君

為作書奏讀不識句傳一幕以為笑不為變

笑下或有軍字

後

九月九日大會射設標的高出百數十尺

會下或有命字

令曰

中酬錦與金若干一軍盡射莫能中

或無盡字能中下或有者字

君

執弓弩二矢指一矢以興

指或作挾閣本無指一矢三字

今按下文三發三中考

之聞本之
謬明矣

揖其帥曰請以為公歡遂適射所一座皆起

隨之

或無
皆字

射三發連三中

或無
射字

的壞不可復射中輒一

軍大呼以笑連三大呼笑帥益不喜即自免去後佐河

陽軍任事去害興利功為多拜協律郎益棄奇與人為

同今天子脩太學官有公卿言詔拜國子助教分教東

都生元和四年年卅七二月十四日疾暴卒

卅七石本
如此下二

十一日亦然方著其
說而不及改今正之

君再娶初娶琅邪王氏後娶京兆

韋氏

或無初娶以
下十二字

凡產四男五女男生輒即死

或無產
字即字

自給事至君後再絕皆有名

或無皆有名三字然三字之義未詳而方氏亦不著

石本之有無姑闕以俟知者

遺言曰以公儀之子已已後我

我已後我或作

為已後今按此云已已者必其子之小字也

其年閏三月廿一日

廿說見上

弟試

太子通事舍人公儀京兆府司錄公幹以君之喪歸

試

七字或作某官京下五字或作殿中侍御史

以五月十五日葬于京兆府萬

年縣少陵原合祔王夫人塋

以君下二十八字或作以君之喪葬京兆某縣

銘

曰

官不遂歸譏於時

不下或有能字非是譏或作議石本逸

身不得年又將

尤誰世再絕而紹祭以不墮

監察御史元君妻京兆韋氏夫人墓誌銘

諸本無京兆
以下九字

夫人諱叢字茂之姓韋氏

茂方作成
今以名義推之當作茂

其上七世

祖父封龍門公龍門之後世率相繼為顯官夫人曾祖

父諱伯陽自萬年令為太原少尹副留守北都卒贈祕

書監

或無北
都字

其大王父迢以都官郎為嶺南軍司馬卒

贈同州刺史王考夏卿以太子少保卒贈左僕射

保下
或無

卒僕射娶裴氏皋女或無僕射字皋為給事中皋父宰相耀

卿夫人於僕射為季女愛之為上或有少字非是選壻得今御史

河南元稹選上或有其字稹時始以選校書祕書省中校上或有授字

非是其後遂以能直言策第一拜左拾遺果直言失官又

起為御史舉職無所顧夫人固前授教於賢父母得其

良夫又及教於先姑氏固或作因父上方無賢字得上或有及字及或作受皆非是

率所事所言皆從儀法言或作動年二十七以元和四年七

月九日卒卒三月得其年之十月十三日葬咸陽從先

舅姑兆銘曰

詩歌碩人爰叙宗親女子之事有以榮身夫人之先累

公累卿有赫外祖相我唐明

有或作於祖
或作舅非是

歸逢其良夫

夫婦婦獨不與年而卒以天實生五子一女之存銘于

好辭以永於聞

好或
作理

別本韓文考異卷二十四

欽定四庫全書

別本韓文考異卷二十五

宋 王伯大 重編

碑誌

登封縣尉盧殷墓誌

元和五年十月日范陽盧殷以故登封縣尉卒登封年

六十五

月下或有五字

君能為詩自少至老詩可錄傳者在紙

凡千餘篇無書不讀然止用以資為詩

或無在紙二字以下或有自字

與諫議大夫孟簡協律孟郊監察御史馮宿好期相推
挽卒以病不能為官在登封盡寫所為詩抵故宰相東

都留守鄭公餘慶

抵或作投
或無公字

留守數以帛米周其家書

薦宰相宰相不能用竟飢寒死登封將死自為書告留
守與河南尹乞葬已又為詩與常所來往河南令韓愈

曰為我具棺留守尹為具凡葬事韓愈與買棺又為作

銘十一月某日葬嵩下鄭夫人墓中

嵩下或
有山字

君始娶榮

陽鄭氏後娶隴西李氏生男輒死卒無子女一人學浮

屠法不嫁為比丘尼云

女上或有字

興元少尹房君墓誌

房故為官族稱世有人

官或作宦

自太尉瑄以德行為相

玄宗肅宗名聲益彰徹大行世號其門為太尉家宗族

子弟皆法象其賢公曾祖諱玄靜尚書膳部郎中歷資

簡涇隰四州刺史太尉之叔父也

方無祖字非是

祖諱肱為號

州司馬父諱巒都水使者皆名能守家法

巒或作樂

公諱武

字某以明經歷官至興元少尹謹飭畏慎年七十三以

其官終幼壯為良子弟老為賢父兄歷十二官處事無纖毫過差嘗以殿中侍御史副丹陽軍使其後為整屋

上張流切音鞠下陟栗切音室縣名屬鳳翔

令施州刺史丹陽整屋施州吏

民至今思之娶滎陽鄭氏女生男六人其長曰次卿次卿有大才不能俯仰順時年四十餘尚守京兆興平尉然其友皆曰房氏有子也次曰次公次膺次回次衡次元始學而未仕女三人皆嫁為士人妻

士人方初公之作人土

在施州夫人卒焉殯於江陵元和五年次卿與其羣弟

奉公之喪自興元至堂殯於伊水之南

方云公改葬服議殯于堂謂之

殯

六年正月次公奉夫人之喪自江陵至遂以其月十

四日合葬河南緱氏之高龍原公母弟式自給事中為

河南尹孝友慈良盡費其材以奉公葬未葬之一月詔

以河南為御史中丞領宣州觀察使

中丞或作大夫

將行召河

南令韓愈

行或作往

泣謂曰吾兄之葬於是而吾為尹於是

吾以為得盡其道於吾兄也今壓於上命不得視吾兄

之棺入此土也豈非天邪子與吾兒次卿游我重知子

凡吾兄之終事將子是託焉愈既不獲辭既助其凡役
事退又為銘云

有位有年有弟有子

年或作名

從先人葬是謂受祉

河南少尹李公墓誌銘

元和七年二月一日河南少尹李公卒年五十八

尹下有或

隴西字或作陸渾

歛之三月某甲子葬河南伊闕鳴皋山下

方云

或作八月丁亥朔十六日壬寅考之史亦合伊闕或作陸渾方云攷唐志鳴皋實在陸渾

前事之

月其子道敏哭再拜授使者公行狀以幣走京師

公或作功

是非 乞銘於博士韓愈曰少尹將以某月日葬宜有銘其

不肖嗣道敏杖而執事不敢違次不得跣以請月下或有某字

愈曰公行應銘法

公方作功 今按若從方本則此句無首而下句子又禮葬亦無所承其

甚 誤明子又禮葬敢不諾而銘諸或無葬字方無而銘諸三字或無諾而二字皆

是非 公諱素字某或作字貞一生七歲喪其父貧不能家母夫

人提以歸教育於其外氏育方作畜于下或無其字以明經選主號

之弘農簿又尉陝之芮城李丞相泌觀察陝號以材署

運使從事以課遷尉京兆鄠胡古切音戶考滿以書判

出其倫選主萬年簿而母夫人固在食其祿

倫上或無其字主或

作注非是

母夫人卒三年改尉長安遷監察御史奏貶九卿

一人改詹事丞遷殿中侍御史由度支員外郎選令萬

年

貶字或作敗字或無郎字選令萬年或作遷萬年令

公主奪驛田京兆尹符縣

割畀之公不與

主下方有簿字云簿如簿錄之簿非是

改度支郎中使侍

郎介恃不禮其屬大夫士擅喜怒賞罰公獨入讓不受

度支或作屯田恃或作特非是或無擅字

劉闢平上以蜀賞高崇文尚書省

以崇文幕府爭鹽井因革便不便命公使崇文

以崇或作與崇

或無不便字

崇文命幕府唯公命從即其日事已疏奏侍郎

外稱其能竟坐前敢抗已

事已方作事以

衢州饑擇刺史侍郎

曰莫如郎李某遂刺衢州至一月遷蘇州

如郎下或有中字遷下或

有刺字

李錡前反權將之戍諸州者刺史至斂手無敢與

敵

或無權之二字方無敵敵字或無敵字皆非是

公至十二日錡反公將左右

與賊戰州門不勝賊呼入公端立責以義皆斂兵立不

逼

端或作號非是

錡命械致公軍將斬以徇及境錡適敗縛公

脫械還走州賊急卒不暇走死民抱扶迎盡出天子使

貴人持紫衣金魚以賜

或無縛字急卒一作竟平今按州字句絕賊即騎將之戍州

作亂者以公至之速不及走死為州民報以迎公耳然民字以下必有脫誤

居三年州稱治

拜河南少尹行大尹事呂氏子炅

古迥切

棄其妻著道士

衣冠

方無衣字

謝母曰當學仙王屋山去數月復出間詣公

公立之府門外使吏卒脫道士冠給冠帶送付其母黜

屬令二人以贓減民賦錢歲五十萬請緩民輸期一月

詔天下輸皆緩一月

贓或作贓古通用然不知此句當如何讀若贓字屬上句即下文減

賦別為一事若屬下句即是以所沒入之贓代公一斷民賦錢也但屬上句者語意差溢耳千或作十

治不收聲事常出名上曾祖弘泰簡州刺史

弘或作純

祖乾

秀伊闕令父燮宣州長史贈絳州刺史母夫人燮

音屯古瓜

州煌張氏其舅參有大名

氏下或有封西平郡太君六字參或作泰

公之配

曰彭城劉氏夫人夫人先卒其葬以夫人祔

公方作君氏夫人下

或有封彭城孫君五字

夫人曾祖曰子玄祖曰鍊皆有大名公之

子男四人長曰道敏舉進士其次曰道樞其次曰道本

道易皆好學而文

或無其次曰道樞三字樞下或無其次曰三字道易上或有其次曰字

女一人嫁蘇之海鹽尉韋潛自簡州而下皆葬鳴皋山

下銘曰

高其上而坎其中以為公之宮奈何乎公

上下方有立字立或作丘

或作

山

集賢院校理石君墓誌銘

校理下或有京兆昭應尉五字

君諱洪字濬川其先姓烏石蘭九代祖猛始從拓拔氏

上音托下蒲撥切杭曰或說自云拓天而生拔地而長遂以為氏後魏孝文改為元氏

入夏居河

南遂去烏與蘭獨姓石氏而官號大司空

九或作七方云下文七世

為曾祖則此當作後七世至行褒官至易州刺史於君
九拓拔或作跖跋

為曾祖易州生婺州金華令諱懷一卒葬洛陽北山金
華生君之考諱平為太子家令葬金華墓東而尚書水
部郎劉復為之銘君生七年喪其母九年而喪其父能
力學行去黃州錄事叅軍則不仕而退處東都洛上十

餘年行益修學益進交遊益附聲號聞四海

方云李翱常有薦洪

狀謂明經出身曾任冀州
糾此黃字蓋誤海或作方故相國鄭公餘慶留守東都

上言洪可付史筆李建拜御史崔周禎為補闕皆舉以

讓

禎或作楨方云考周頌從示今按大雅文王詩從木當兩存

宣歙池之使與浙東

使交牒署君從事河陽節度烏大夫重脣間以幣先走

廬下故為河陽得佐河陽軍吏治民寬考功奏從事考

君獨於天下為第一

君下或有為字走下或有君字得上或有所字

元和六年

詔下河南徵拜京兆昭應尉校理集賢御書明年六月

甲午疾卒年四十二娶彭城劉氏女故相國宴之兄孫

生男二人八歲曰壬四歲曰申女子二人顧言曰葵死

所七月甲申葵萬年白鹿原既病謂其游韓愈曰子以

吾銘

以或作與

銘曰

生之艱成之又艱若有以為而止於斯

唐故江西觀察使韋公墓誌銘

方云諸題唐故或有或無或有銘字或無銘字皆從舊本石本多用大唐字

公諱丹字某姓韋氏

字某或作字文明非是

六世祖孝寬仕周有

功以公開號於鄖鄖

音云江夏雲社縣

公之子孫世為大官唯

公之父政卒雒縣丞贈號州刺史公既孤以甥孫從太

師魯公真卿學太師愛之

方無太師愛之四字

舉明經第選授峽

州

音洽居三峽之口曰峽州

遠安令以讓其庶兄

峽或作硤方云考地理志當作峽

入紫閣山事從父熊通五經登科

登下方有明五經三字或無登字

歷

校書郎咸陽尉佐邠寧軍自監察御史為殿中侍御史

徵拜太子舍人益有名遷起居郎吳少誠襲許州拜河

陽行軍司馬未行少誠死改駕部員外郎

河陽下或有軍字或無未

行二字少上或有適字

新羅國君死公以司封郎中兼御史中丞

紫衣金魚往弔立其嗣故事使外國者常賜州縣官十

員使以名上以便其私號私覲官公將行曰吾天子吏

使海外國不足於資宜上請安有賣官以受錢邪即具

疏所以上以為賢命有司與其費

資或作貲方無以為賢三字

至鄆

州會新羅告所當立君死還拜容州刺史容管經畧招

討使始城容州周十三里置屯田二十四所化大行詔

加太中大夫

或無置字

順宗嗣位拜河南少尹行未至拜鄭

滑行軍司馬

軍上或無行字

始至襄陽詔拜諫議大夫既至日

言事不阿權臣謇然有直名遂號為才臣劉闢反圍梓

州詔以公為東川節度使御史大夫

州下或無詔字

公行至漢

中上疏言梓州在圍間守方盡力不可易將徵還入議

蜀事

徵上或有請字

劉闢去梓州因以梓州讓高崇文拜晉慈

隰等州觀察防禦使自扶風縣男進封武陽郡開國公

食邑二千戶

或無邑字

將行上言臣所治三州非要害地不

足張職為國家費不如屬之河東便上以為忠

方無上以為忠

四字疑或公自以前有上以為賢語涉重複故刪其一不知當存何字也

一歲拜洪州刺史

江南西道觀察使以晉慈隰屬河東公既至則計口受

俸錢委其餘於官罷八州無事之食者以聚其財始教

人為瓦屋取材於山召陶工教人陶聚材瓦於場度其費以為估不取贏利凡取材瓦於官業定而受其償從令者免其賦之半逃未復者官與為之貧不能者畀之財載食與漿親往勸之

畀或作裨財或作材

為瓦屋萬三千七百

為重屋四千七百民無火憂暑濕則乘其高別命置南北市營諸軍歲旱種不入土募人就功厚與之直而給其食業成人不病飢為長衢南北夾兩營東西七里人

去滌

息列切祝曰易井滌不食注不滌汚之謂滌廣韻滌除去也

汚氣益蘇

方無長字汚或

汙作復作南昌縣徙廐于高地因其廢倉大屋馬以不連

死馬或作焉不或作為死或作廐方云明年築隄扞江

長十二里疏為斗門孫曰用派湖入江節以斗門以走暴漲築隄捍江高五尺長十二里

明年江與隄平以走潦水公去位之明年江水平堤老幼泣而

思曰無此堤吾屍其流入海矣老上或有既退二字灌陂塘五百

九十一得田萬二千頃凡為民去害興利若嗜慾居三

年於江西八州無遺便其大如是其細可畧也其大下九字方

從閤杭李謝本作其大不可畧如是或作其大畧如是皆非是卒有違令當死者公不

果於誅杖而遣之去上書告公所為不法若干條

法下或有

者朝廷方勇於治且以為公名才能臣治功聞天下不

辨則受垢詔罷官留江西待辨使未至月餘公以疾薨

使至辨凡卒所告事若干條皆無絲毫實詔答卒百流

嶺南公能益明春秋五十八薨於元和五年八月六日

公好施與家無剩財

剩或作贖

自校書郎至為觀察使擁吏

卒前走七州刺史與賓客處如布衣時自持卑一不易

方無如布衣時四字或四字在不易下卑下或無一字

娶清河崔氏故支江令諷

之女某官某之孫有子曰寘年十五明經及第嗣其家

業

支或作枝

後夫人蘭陵蕭氏中書令華之孫殿中侍御史

恒之女皆先公終有女一人

方無史字

凡公男若干人女若

干人

或無女若干人

明年七月壬寅從葬萬年縣少陵原

方無縣字

將葬其從事東平呂宗禮與其子寘謀曰我公宜得直

而不華者銘傳於後固不朽矣

方從閣杭蜀本無直而不華者五字及傳於後

固四字而復出得銘二字云晁氏本有此字殊不知嘉祐杭本已如此大抵方未嘗見嘉祐本也

寘來

請銘銘曰

武陽受業始于太師以官讓兄自待不疑勤于紫閣取

益以卑可謂有源卒用無疵慊慊

音歟注漢書曰慊慊常若不足慊慊或

作謙謙

為人矯矯為官爰及江西功德具完名聲之下獨

處為難辨而益明仇者所歎碑于墓前維昭美故納銘墓中以識公墓

唐故河南府王屋縣尉畢君墓誌銘

畢氏出東平歷漢魏晉宋齊梁陳士大夫不絕入國朝

有為司衛少卿具邢廬許州刺史者曰憬

入或作人憬屬上句

之子構累官至吏部尚書卒贈黃門監是為景公

方云新舊

史有畢構傳終於戶部尚書世系表亦作戶部然舊史畢誠傳乃稱吏部

景公生抗為廣平

太守抗安祿山城陷覆其宗贈戶部尚書

生抗方云抗本抗作炕世

系表作杭傳作炕而世系官職亦不同覆其宗或作其宗覆焉

尚書生垆家破時垆生

始四歲

四或作七

與其弟增以俱小漏名籍得不誅為賞口

賊中寶應二年河北平宗人宏以家財贖出之求增不

得增長為河北從事兼官至御史中丞垆既至長安宏

養於家讀書明經第

方云明經第一句當有脫字按明上或經下當有中字或登字

今

之類

宏死垌益壯始自別為畢氏歷尉臨渙安邑王屋年

六十一以元和六年二月二日卒於官初罷臨渙徐州

節度張建封慕廣平之節死聞君篤行能官請相見署

諸從事攝符離令四年

節死或作死節請上或有以帶字署上或有遂字按諸字疑衍

及尉王屋徐之從事有為河南尹者聞君當來喜謂人

曰河南庫歲入錢以千計者五六十萬須謹廉吏今畢

侯來吾濟矣

入錢或作出入

繼數尹諸署於府者無不變而畢

侯固如初竟以其職死

諸或作請

君睦親善事過客未嘗問

有無既卒家無一錢凡棺與墓事皆同官與相識者事

之

墓或作葬

娶清河張氏女

女下或有子字方云女子字疑皆因下文誤入

生男四

人曰鎬鉦鉅銳女子三人其長學浮屠法為比丘尼其
季二人未嫁以其月二十五日從葬偃師之土愈因為
之銘曰

上古愛民為官求人苟可以任位加其身其後喜權人
自求官退而緩者身後人先故廣平死節而子不荷其
澤王屋謹廉而神不福其謙嗚呼天與人苟無傷其穴

與墳

試大理評事胡君墓銘

胡之氏別於陳明允先

允或作元

河東人世勤固

固或作國

戴厥

身

戴或作戴

籍文譜進連倫惟明允加武資力牛虎柔不持

吏夏陽有施為去平陽民思悲河東土河陸原宜茲人

肖厚完

或作後昆或作省厚寬今按厚完二字見晉語

五十七不足年孤兒

啼死下官母弟証

音政

秩大夫

秩方作秩方云胡弟証元和九年以御史大夫師振

武二十年召還此下又云友韓愈司馬徒豈
擴君遺哭
十一年從征淮西時邪然則秩當為秩明矣

泣書

撫方作石

友韓愈司馬徒作後銘系序初

襄陽盧丞墓誌銘

或有唐故字

范陽盧行簡

盧下或有君字

將葬其父母乞銘於職方員外郎

韓愈曰吾先世世載族姓書

世世或作五世

吾胄於拓跋氏之

弘農守守後四代吾祖也為沂錄事叅軍

沂下或有州字

五世

而吾父也為襄陽丞始吾父自曹之南華尉歷萬年縣

尉至襄陽丞以材任煩能持廉名

萬年二字或作三

去襄陽則

署鹽鐵府出入十年當最其列

府下或有職字十下或有五字

貞元十

三年終其家年六十七殯河南河陰

南下或有縣字縣字或在河陰下

吾母燉

音

煌張氏也王父瓘為亮之金鄉令

之或作州

先君

歿而十三年夫人終年七十三從殯河陰

方本歿下無而字年下有

而字

生子男三人居簡金吾兵曹行簡則吾其次也大理

主簿佐江西軍其幼可久女子嫁浮梁尉崔叔寶將以

今年十月自河陰啓葬汝之臨汝之汝原

葬下或有於字臨汝下或

有縣字汝原上或有臨字

吾曰陰陽星厯近世儒莫學獨行簡以其

力餘學能名一世舍而從事於人以材稱葬其父母乞

銘以圖長存是真能子矣可銘也遂以銘

以圖長存方作圖久長存

今按此與後篇張圓志文體特為橫逸與諸篇不同亦其文之變也但此篇中稱吾者皆述盧語而最後一吾字乃韓自吾似少分別耳

弘農諱懷仁沂諱璲

音皎

襄陽諱某今年

實元和六年

沂下或有州字

唐河中府法曹張君墓碣銘

有女奴抱嬰兒來致其主夫人之語曰妾張圓之妻劉

也

劉下或有氏字

妾夫常語妾云吾常獲私於夫子且曰夫子

天下之名能文辭者凡所言必傳世行後

或無夫子字非是

今

妾不幸夫逢盜死途中將以日月葬

逢或作遇

妾重哀其生

志不就恐死遂沈泯

名方作

敢以其稚子汴見先生將賜

之銘是其死不為辱而名永長存所以蓋覆其遺脣子

若孫且死萬一能有知將不悼其不幸於土中矣

汴下或有

兒字或無將字脣下或有若字

又曰妾夫在嶺南時嘗疾病泣語曰吾

志非不如古人吾才豈不如今人而至於死於是

邪爾若吾哀必求夫子銘是爾與吾不朽也

古下方無人字

愈

既哭弔辭遂序次其族世名字事始終而銘曰

弔下或有即字

今按既辭而遂叙其事

君字直之祖謹父孝新皆為

盖一辭而許所謂禮辭也

官汴宋間君嘗讀書為文辭有氣有吏才嘗感激欲自

奮拔樹功名以見世初舉進士再不第因去事宣武軍

節度使得官至監察御史坐事貶嶺南再遷至河中府

法曹叅軍攝虞鄉令有能名進攝河東令又有名遂署

河東從事絳州闕刺史攝絳州事能聞朝廷元和九年

秋有事適東方既還八月壬辰死于汴城西雙丘年四

十有七明年二月日葬河南偃師

日或作庚午方云考唐曆二月無庚午

妻下或有子字

妻彭城人世有衣冠

或無有字

祖好順泗州刺史父

泳卒蘄州別駕女四人男一人嬰兒汴也是為銘

太原府叅軍苗君墓誌銘

君諱蕃字陳師其先楚之族大夫亡晉而邑於苗世遂

以苗命氏其後有守上黨

潞州上黨郡

者惠于民卒遂居壺

關

縣名在潞州

曾大父延嗣中書舍人大父含液舉進士第

官卒河南法曹父穎揚州錄事叅軍君少喪父受業母

夫人舉進士第佐江西使有勞三年使卒後辟不肯留

獨護其喪葬河南選補太原叅軍假使職獄平貨滋息
吏斂手不敢為非年四十有二元和二年六月辛巳暴
病卒其妻清河張氏以其年十二月丙寅葬君于洛陽
平陰之原男三人執規執矩必復其季生君卒之三月
君同生昆弟姊凡三人皆先死四室之孤男女凡二十
人皆幼遺資無十金無田無宮以為歸無族親朋友以

為依也天將以是安施耶

官或作家為依方無為字
韓曰按世系表苗襲蔓生延

嗣延嗣生含液含液生穎穎生蕃蕃生著著生惛惛恪
惛生台符渾生廷又又按登科記惛長慶二年惛太和

五年恪八年台符大中八年延乾符三年皆相踵登第然有可疑者世系表以惛憚恪為蕃之孫誌謂蕃卒于元和二年男女皆幼自元和二年至長慶二年甫十五年豈遂有孫登第耶然則世系表蕃之下所謂著者誤矣疑惛憚恪即蕃之子而執規矩必復者蕃死時幼而未名特其小字云爾其後遂名惛憚恪也嗚呼蕃死其困如此其後子孫之盛則如此為善者可無怠矣

銘曰

有行以為本有文以為華恭以事其職而勤以嗣其家
位卑而無年吁其奈何

別本韓文考異卷二十五

欽定四庫全書

別本韓文考異卷二十六

宋 王伯大 重編

碑誌

唐朝散大夫贈司勳貞外郎孔君墓誌銘

方無郎字 韓曰

孔子三十六世孫

昭義節度盧從史有賢佐曰孔君諱戡字君勝從史為
不法君陰爭不從則於會肆言以折之從史羞面頸發

赤抑首伏氣不敢出一言以對

頸一作顏伏或作吐方云叔孫通傳所謂伏抑

首者也作吐非抑首也此言伏氣猶言屏氣耳與漢傳語異

今按漢傳言伏抑首伏也面

立為君

更令改章辭者前後累數十坐則與從史說古今君臣

父子道順則受成福逆輒危辱誅死曰公當為彼不得

為此從史常聳聽喘汗

死下或有且字常或作當非是

居五六歲益驕

有悖語君爭無改悔色則悉引從事空一府往爭之

或色

作意亦通作也非是

從史雖羞退益甚君泣語其徒曰吾所為止

於是不能以有加矣

以有或作有以

遂以疾辭去卧東都之城

東酒食伎樂之燕不與當是時天下以為賢論士之宜

在天子左右者皆曰孔君孔君云

方無者字皆上方從闕本有唯字或無複

出孔君字或復出云字

會宰相李公鎮揚州首奏起君君猶卧不

應

猶或作獨

從史讀詔曰是故舍我而從人耶即誣奏君前

在軍有某事上曰吾知之矣奏三上乃除君衛尉丞分

司東都詔始下門下給事中呂元膺封還詔書上使謂

呂君曰吾豈不知戡也行用之矣明年元和五年正月

將浴臨汝之湯泉士子至其縣食遂卒年五十七公卿

大夫士相弔於朝處士相弔於家君卒之九十六日詔
縛從史送闕下數以違命流于日南遂詔贈君尚書司

勲員外郎盖用嘗欲以命君者信

音伸

其志其年八月甲

申從葬河南河陰之廣武原

南下或有府字陰下或有鄉字廣武原方作某地云

唐河南府無河陰縣和郡國志河南府有河陰縣

今按元

君於為義若嗜欲勇不

顧前後於利與祿則畏避退處如怯夫然始舉進士第

自金吾衛錄事為大理評事佐昭義軍

士下或有及字軍下或有帥字

軍帥死從史自其軍諸將代為帥

或無自其字

請君曰從史

起此軍行伍中凡在幕府唯公無分寸私

分或作方非是

公苟

留唯公之所欲為君不得已留一歲再奏自監察御史

至殿中侍御史

君或作居

從史初聽用其言得不敗後不聽

信惡益聞君棄去遂敗祖某某官贈某官父某某官贈

某官

諸本作祖如圭皇海州司戶贈工部員外郎父岑父皇著作郎贈駕部員外郎方從蜀本云今本所

紀父祖官職多誤蓋後人續增公諸志皆載三世此只言父祖已非考世系表及孔戣志此以如珪作如圭郎中作員外郎著作佐郎為郎又非也駕部乃戣贈官此以為其父所贈又非也今按此姑從方本無大利害但方詆諸本止載二世為不入例而其所據之本此志亦只載二世云駕部乃戣所贈官而戣實贈司勳皆非

是世表殘志與此志文亦未知其孰為得失恐皆未足以判其是非也 君始娶弘農楊氏

女卒又娶其舅宋州刺史京兆韋岷女皆有婦道凡生

一男四女皆幼前夫人從葬舅姑兆次卜人曰今茲歲

未可以祔從卜人言不祔君母兄殘音達尚書兵部員外

郎母弟戢殿中侍御史以文行稱朝廷將葬以韋夫人

之弟前進士楚材之狀授愈曰請為銘銘曰

允義孔君茲惟其藏更千萬年無敢壞傷方從杭本無傷字今按

此傷字諸本皆有文理音韻皆無可疑方氏特以杭本脫漏遂不之信寧使此銘為歇後語不肯以諸本補之

故中散大夫河南尹杜君墓誌銘

或無散字

君方作尹

杜氏自戴侯畿始分戴侯之子恕為幽州刺史今居京兆諸杜其後也其季寬孝廉郎中寬後三世曼為河東太守葬其父汨水之陽

方無之陽字

其後世皆從葬汨水及

正倫為太宗宰相猶封襄陽公太宗始詔葬京兆襄陽公無子以兄正藏子志靜後遂嗣襄陽公生僑為懷州長史棄官老沁水上為富家卒葬懷州武陟長史生損

為左司郎中卒贈少大理

或作大理少卿

大理生虞

音異大理或作少卿

為鄭州錄叅軍死思明亂贈吏部郎中公諱兼字某郎

中第三子舉進士第司徒北平王燧戰河北掌書記累

官至監察御史其後佐徐泗州軍遂至濠州刺史徐泗

州軍亂以兵甲三千人防淮道不絕

晁本如此方及諸本甲三千人四字

皆在下文金魚之下而魚下復有兵字殊無理
甲字亦疑衍或當在兵字上姑闕以俟知者

有功加

御史中丞賜紫衣金魚入為刑部郎中以能官拜蘇州

刺史既辭行上書曰李錡且反必且奏族臣上固愛其

才書奏即除吏部郎中

或無中字

遂為給事中出為商州刺

史金商防禦使改河南少尹行大尹事半歲拜大尹元

和四年十一月二十日無疾暴薨年六十明年二月甲

午從葬懷州夫人常山郡君張氏彭州刺史贈禮部侍

郎既

九利切

之女生子男三人柔立為天長主簿詞立為

壽州叅軍誼立為順宗挽郎女一人

順上或無為字

將葬公之

母兄太學博士冀與公之夫人及子男女謀曰葬宜有銘

凡與我弟游而有文者誰乎遂來請銘銘曰

杜氏大家世有顯人承繼綿綿以及公身始為進士乃
篤朋友及作大官克施克守及作或作乃作纂辭奮筆渙若不
思公牒盈前笑語指麾祿以給求食以會同不畜不收
庫廩虛空事在于人日遠日忘在于一作不在何以傳之刻此
銘章

唐銀青光祿大夫守左散騎常侍致仕上柱國
襄陽郡王平陽路公神道碑銘

平陽或作陽平方從石本云攷唐世系表當
從平陽今按此篇多從方氏所據石本

惟路氏遠有代序自隋尚書兵部侍郎諱袞四代而至

冀公

袞或作充方以石本云闕杭本世表作袞代或並作世

冀公諱嗣恭以小邑

蕭關令發聞開元受賜更名書於太史

令下或有問字賜或作錫治

行靈州終功南邦享有丕祉紹開厥家官至兵部尚書

封冀國公薨贈尚書右僕射司空

治或作始或無司空字

公諱應

字從衆冀公之嫡子用大臣子謹飭擢至侍御史著作

郎選刺虔州

選或作遷

割餘雩都作縣安遠以利人屬

餘或作隸

人或作民下同

鑿敗灘石以平贛

右暗切又音感水名在豫章唐史云鑿贛石梗嶮以通川

道梗陶甃而城罷人屢築詔嗣冀封又加尚書屯田郎

中進服色遂臨于溫築隄岳城橫陽界中二邑得上田

除水害

上田或作上苗

拜尚書兵部郎中兼御史中丞淮南軍

司馬改刺廬州又甃其城人不歲苦

或作苦

入為尚書職

方郎中兼御史中丞佐鹽鐵使使江東有功用半歲歷

常州遷至宣歙池觀察使進封襄陽郡王

王或作公非是

至則

出倉米下其估半以廩餓人蜀闢誅行軍千五百人於

蜀

蜀闢或作劉闢或蜀下別有劉字

李錡將反以聞置鄉兵萬二千人

錡反命將期以卒救湖常坐牢江東心錡以無助敗縛

作嚮山亭營軍于左右權丞相善之鑒其說嚮山石居

宣

嚮山宣
州山名

五年以疾去位校其倉得石者五十萬餘府

得錢千者八十萬

石者方
無者字

公之為州逢水旱喜賤出與

人歲稔以其得收常有贏利故在所人不病飢而官府

畜積

人或並作民
贏或作餘

元和六年天子憫公疾不可煩以職

即其處拜左散騎常侍以其祿居其歲九月望薨于東

都正平里年六十七

歲上或無其字
年上或有享字

明年葬京兆萬年

少陵原夫人滎陽鄭氏祔既其子臨漢縣男貫與其弟
賞貞謀曰宜有刻也

既下或有而字

告於叔父御史大夫郎坊

丹延觀察使恕因其族弟進士羣以來請銘遂以其事
銘曰

冀公之封維艱就功襄陽繼大啓慶自躬于虔洎溫厥
緒既作以及職方遂都邦伯朝夕人事下完上實師于
其鄉鄰冠逼屈營居嚮山牆屋修施

修諸本皆然方弁不錄而直作循字

說見首篇

褒功刻表丞相之辭

功方作加

受代而家叙䟽及邇病

不能廷食祿卒齒凡代大家維艱其保

凡代一作凡世

既顯既

願戒于終咎

願或作碩

伊我襄陽克慎已有延畀後承莫不

率守

承或作丞

有慕于原維樹在經

在或作有

以告無期博士是

銘

博士或作傳世
時正為博士或本非是

按公是

烏氏廟碑銘

元和五年天子曰盧從史始立議用師于恒乃陰與寇

連夸謾克驕出不遜言其執以來其四月中貴人承璫

七罪切

即誘而縛之其下皆甲以出操兵趨薛牙門都將

烏公重胤當軍門叱曰天子有命從有賞敢違者斬

從下

或有者字於是士皆歛兵還營卒致從史京師壬辰詔用烏

公為銀青光祿大夫河陽軍節度使兼御史大夫封張

掖郡開國公居三年河陽稱治詔贈其父工部尚書且

曰其以廟享

其以或作以其

即以其年營廟于京師崇化里軍

佐竊議曰先公既位常伯而先夫人無加命號名差卑

於配不宜語聞詔贈先夫人劉氏沛國太夫人八年八

月廟成三室同宇祀自左領府君而下作主于第乙巳

升于廟

三室同字方云史記渭陽五帝廟同字韋昭曰謂上同下異也字字一作牢非今按後漢以

來公私廟制皆為同

烏氏著於春秋譜於世本列於姓

堂異室方說是也

苑在莒者存在齊有餘枝鳴皆為大夫

齊下或有者字餘下或有有字

秦有獲為大官其後世之江南者家鄱陽處北者家張掖或入夷狄為君長唐初察為左武衛大將軍實張掖人其子曰令望為左領軍衛大將軍孫曰蒙為中郎將

是生贈尚書諱承玼字某

贈下或有工部字玼或作治方云新史承玼有傳字德潤

重胤傳亦云承玼子也溫公考異嘗加辨正宋樊本皆作承玼蓋許孟容嘗為承玼碑石本猶傳於世新傳蓋

本此也

烏氏自呂齊秦大夫以來皆以材力顯及武德以

來始以武功為名將家開元中尚書管平盧先鋒軍屬

破奚契丹

屬或作屢屬以連屬之意

今按

從戰捺

奴曷切

祿走可突干

諸本多作突于或作汗于方從許碑定從干云可突干契丹之勇將也新傳奚契丹入寇承玼破於捺祿山又戰白城承玼按隊出其右斬首萬計可突干奔北

渤海擾海上至馬都山吏民

逃徙失業尚書領所部兵塞其道塹原累石綿四百里

深高皆三丈冠不得進民還其居歲罷運錢三十萬餘

或無擾海字方从李本增云新傳亦考累或作壘許碑云武藝出海濱至馬都山屠陷邑公以本營士馬防遏

要害武藝即

黑水室韋

二國名

以騎五千來屬麾下邊威

渤海王也

益張其後以耿仁智謀說史思明降思明復叛尚書與

兄承恩謀殺之事發族夷尚書獨走免

許碑承恩承玘之從父兄也

李光弼以聞詔拜冠軍將軍守右威衛將軍檢校殿中

監封昌化郡王石嶺軍使

石嶺或作左領方云杭蜀積粹與許碑新傳皆作石嶺

粟厲兵出入耕戰以疾去職貞元十一年二月丁巳薨

于華陰告平里年若干

許碑年九十六

即葬于其地二子大夫

為長季曰重元為某官銘曰

烏氏在唐有家于初左武左領二祖紹居

左領或作右領

中郎

少卑屬于尚書不償其勞乃相大夫授我戎節制有壇

墟

制有或作有其壇或作疆

數備禮登以有宗廟

方無數字登下有壇字今按數備

禮登數字乃名位不同禮亦異數之數言制數既備禮亦增崇也袁氏廟碑所謂數以立廟亦是此意若如方本即上句已言授節不應至此始言作廟天都以致其

登壇況登壇又與立廟不相關乎

孝右祖左孫爰響其報

蜀本文苑作左祖右孫按廟制以四為上方本為是

今云

誰其子其有無孫

其有或作孰其

克對無羞乃惟有人

克方作先

念

昔平盧為艱為瘁大夫承之危不棄義四方其平士有

怠息來覲來齋以饋黍稷

唐故河東節度觀察使滎陽鄭公神道碑文

河東節度使贈尚書右僕射鄭公葬在滎陽索上元和八年六月庚子太史尚書比部郎中護軍韓愈刻其墓碑曰司馬氏遷江南有鄭豁者仕慕容垂國為其太子少保其孫簡當拓拔魏為滎陽太守後簡者號其族為南祖南祖之鄭入唐有為利之景谷令者曰嘉範於公為曾祖是生撫俗為泗之徐城令徐城生公之父曰洪

卒官涼之戶曹叅軍

涼之或作涼州

公諱儋

都甘切

少依母家隴

西李氏舉止異凡兒其舅吏部侍郎季卿謂其必能再

立鄭氏

季或作李謂下或有曰字方本謂作曰其必作必其

稍長能自課學明左

氏春秋

課或作謀今按蜀志出師表自課字文選亦作自課恐公用此語

以進士選為

太原叅軍事對直言策拜京兆高陵尉考府之進士能

第上下以實不姦樊僕射澤以襄陽兵戰淮西公以叅

謀留府能任後事戶曹殯于涼涼地入西戎自景谷徐

城三世皆未還滎陽蔡公解官舉五喪為三墓葬索東

徐城墓無表公能幼長哀感心求不置以得舊人指告

其處

公能下或有使字方無哀字云自幼而長求之不置也今按心字當屬下句

其後為大

理丞太常博士遷起居郎尚書司封吏部二郎中能官

舉其名德宗晚節儲將於其軍以公為河東軍司馬能

以無心處嫌間卒用有就

間或作問非是或無卒字有就或作其說非是

貞元

十六年將說死即詔授司馬節節度河東軍

方云考嚴綬傳將說

李說也或無即詔字馬下或無復出節字

除其官為工部尚書太原尹兼御

史大夫北部留守公之為司馬用寬廉平正得吏士心

及昇大帥持是道不變

昇方作升帥或作師

部將有因貴人求要

職者公不用用老而有功無勢而遠者削四鄰之交賄

省姦僇之大燕校講民事施罷不瑛日

姦或作誇校講或作講校

用

能以十月成政氓征就寬軍給以饒

氓或作賦或作民

十七年

疾廢朝夕八月庚戌薨享年六十一天子為之不能臨

朝者三日

或無能字

贈尚書右僕射即以其年十月辛卯葬

索上疾比薨醫問交道比葬弔贈賜使者相及凡河東

軍之士與太原之氓吏及旁九郡百邑之鰥寡外夷狄

之統於府者聞公之薨皆哭曰吾其如何

軍下或無之字或作之軍

岷方

公與賓客朋遊飲酒必極醉投壺博奕窮日夜若

樂而不厭者平居簾閣據几終日不知有人

與或作為若方從關

蜀本作苦

今按二本之無文理

別自號白雲翁

方云今孤

有如此者而方皆從之可怪也

楚嘗為太原從事唐志有表奏七

名人魁士

呂氏春秋云疾學而

卷自號白雲孺子蓋以媚僂也

不能為魁士名鮮不與善好樂後進及門接引皆有恩

人者未之有也

意

與善屬上句好樂屬下句方從蜀本以善為其而連

好樂兩句又云名人魁士呂氏春秋語

今按蜀本

無理又如此而方從之然不言閣杭本則二本固與它

本同矣方最信此三本今既自有不同方乃舍二本之

明白而從一本之訛謬則其取舍始娶范陽盧氏女生

又有不可曉者非獨古本誤之也

仁本仁約仁載皆有文行二季舉進士皆早死仁本為
後子獨存不樂舉選年三十餘始佐河陽軍後娶趙郡
李氏生三女二夫人凡三男五女長女嫁遼東李繁繁
亦名臣子有才學遺命二夫人各別為墓不合葬系曰
士常患勢卑不能推功德及人

常或作
嘗下同

常患貧無以奉

所欲得

患下或
有勢字

若鄭公者勤一生以得其位而曾不得

須臾有焉雖然觀其所既立其可知已嗚呼哀哉

魏博節度觀察使沂國公先廟碑銘

或有田氏字別本云朝議郎守尚書比部郎中史館修撰護軍韓愈奉勅撰歐陽公曰
自天聖以來學者多讀韓文而患集本舛訛
惟予家本更校時人共傳號為善本及後集
錄古文得韓文之刻石如羅池黃陵廟碑之
類以校予家集本舛謬猶多若田弘正碑則
尤甚蓋由諸本不同往往妄加改易今以碑
校印本初未必誤多為校讐者妄改易之乃
知文字之傳久而轉失其真者多矣
則校讐之際決於取舍不可不謹也

元和八年十一月壬子上命丞相元衡丞相吉甫丞相
絳召太史尚書比部郎中韓愈至政事堂傳詔曰田弘

正始有廟京師朕惟弘正先祖父厥心靡不嚮帝室訖

不得施乃以教付厥子維弘正銜訓事嗣朝夕不怠事嗣

或作嗣事嗣下或有于字此篇今亦從方本亦據石本以能迎天之休顯有不功

維父子繼忠孝予維寵嘉之是以命汝愈銘欽哉惟時

臣愈承命悸恐明日詣東上閤門拜疏辭謝不報退伏

念昔者魯僖公能遵其祖伯禽之烈周天子實命其史

臣克作為駟古煢切泮閼之詩使聲于廟以假魯

陵今天子嘉田侯服父訓不違用康靖我國家服上或有能字

靖或作靜

蓋寵銘之所以休寧田氏之祖考而臣適執筆隸

太史奉明命其可以辭

或無隸字

謹案魏博節度使銀青光

祿大夫檢校工部尚書兼魏州大都督府長史御史大

夫沂國公田弘正北平盧龍人

州或作博或無兼字

故為魏博諸

將忠孝畏慎田季安卒其子幼弱用故事代父人吏不

附迎弘正於其家使領軍事弘正籍其軍之衆與六州

之人還之朝廷悉除河北故事比諸州故得用為帥已

而復贈其父故滄州刺史兵部尚書母夫人鄭氏梁國

太夫人得立廟祭三代曾祖都水使者府君祭二室兵部府君祭東室其銘曰

唐繼古帝海外受制

此據石本外或作內受或作臣

狎于太寧燕盜以

驚

狎或作治

羣黨相維河北失平號登元和大聖載營風揮

日舒咸順指令業業

音業山高

魏土嬰兒戲兵

嬰兒謂懷諫

吏戎

愁毒莫保腰頸

或作領

人曰田侯其德可以叫譟奔趨乘

門請起田侯攝事奉我天明

天或作王方云左傳范氏中行氏反易天明注言不

事君也又云二三子

束縛弓戈考校度程提壇

與疆籍同

順天明公語出此

戶來復邦經

提或作提

帝欽良臣曰維錫予嗟我六州始復

故初告慶于宗以降命書

于宗或作宗廟以降或作降以

旌節有韜豹

尾神旗橐駝戰轟以長魏師

橐駝方作橐駝本作橐駝石本同但省文耳

今按橐謂

弓服橐乃橐之無底者非兵仗也當從石本

田侯稽首臣愚不肖追茲有成

祖考之教帝曰俞哉維汝忠孝予思乃父追秩夏卿

德娘賢

娘匹詣切娘之刃切又音身娘配也娘孕也言梁國配兵部之德娘賢謂生弘正也左氏后婚

方梁國是榮田侯作廟相方視趾見于蒼龜祖考咸喜

暨暨

音忌果毅也禮戎容暨暨

田侯兩有文武訖其外庸

謂外庸之訖則當入

為輔相

可作承輔

承或作丞

咨汝田侯勿亟勿遲覲饗式時爾

祖爾思

饗或作嚮爾祖爾思方作祖考之思或作爾祖之思



別本韓文考異卷二十六